



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3923/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3923/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3923/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3923/A

3923/A
+ 6569





49 C. 35

7515

Bohemus

Fix. 6
16





NICOLAI MACCHELLI
TRACTATUS
DE MORBO GALLICO,
SCRIPTVS IN GRATIAM
IUNIORVM MEDICORVM
ALMI COLLEGII
MVTINENSIS.




AQVA NON SITIET

QVI BIBERIT EX HAC



IN AETERNVM.

Venetiis, apud Andream Arriuabenum ad
signum Putei. M D L V.



24515 (1)

TRAGTAVS
SOCIETY OF THE
MEDICAL



111
101
[illegible text in right margin]

2

I V N I O R E S M E D I C I
C O L L E G I I M V T I N E N S I S
L e c t o r i b u s . S .




V M sepius audiuissemus Nicolaum
Macchellum ciuem nostrum, uirum
in re Medica præstantem, de eo mor-
bi genere, quod nostrates Italli Galli
cū uocant, differere, cognouissemusq;
aliā curandi istiusmet morbi rationē inuisse, ac alij ante
hac aggressi fuerit, quæ tamen magis doctrinæ Hippo-
craticæ aliorumq; ueterum physicorum innitatur,
quàm cuiuspiam qui de hoc morbo scripserit: rogau-
mus ipsum ut nostræ utilitatis gratia, scriptorem quem-
piam, qui hoc negotium tractandum suscepit, sumeret
examinandum, ostenderet que quo delinqueret à nitida
illa methodo ab Hippocrate monstrata, exactèque à
Galeno tradita. Ille autem libenti animo obsequens, scri-
ptoris, quem ipsi attulimus, dicta recensens & diligen-
tissime perpendens, mira facundia nobis tunc indicauit
quæ parum consentirent, quæ que discreparent ab anti-
quorum doctrina. Cum uero optarem, ut quæ semel
coram narrasset nobis perlegenda traderet, ceu libe-
rū quoddam munus: ipse, (quæ sua est modestia,) ne lau-
di cuiuspiam seu uiuentis seu mortui uel minimum no-
minatim detrahat, omnino abnegans, aliū potius labo-
rem subire decreuit (cum alioqui nobis quoquo pacto sa-
tisfaciendum esset) atque breuem tractationem conscri-

A ij

fit, quæ fulta methodo illa antiqua, omnia, quæ ad ipsum
morbum spectant, persequitur, ipsius innixa rationibus
atque principijs. Quæ quidem quantum ab alijs omni-
bus, qui de huiusmodi materia hætenus scripsere, dissen-
tiat, uos iudices estote. Hoc nos impulsæ huiusce nostræ
artis utilitati studentes, statuimus, ut commodius, citius-
que uobis ac nobis satisfiet, non scriptis, sed typis im-
pressis opusculum hoc ædere. Ipsum præterea præcibus
adegimus, ut libellum R A Z A E de pestilentia quem
ipse nuperrime è græco in latinum transtulit ederet,
tum lues quoque hæc per contagium in genus huma-
num grassetur, & maximum ab utrisque immineat uitæ
dispendium. In qua quidem re facile perspicietis haud
exiguos cæterorum interpretum lapsus, uel luce cla-
rius: cognoscetisq; quantum polleat uir hic noster tum
in exponendis suis met rationibus, tum aliorum sensibus
interpretandis. Valete.

3

NICOLAI MACCHELLI
TRACTATUS DE
MORBO GALLICO
IN GRATIAM IUNIORVM
MEDICORVM
ALMI COLLEGII MUTINENSIS.



NOS vero cum omnia ferè que à multis medicis huiusce tempestatis de morbo quem Neapolitanum Galli, Itali Gallicum vocant, fuere scripta, sub vnus exemplo, & eius quidem omnium celeberrimi, certissimis argumentis, & rerum experientia reiecerimus, nunc morbi eiusdè naturam, & causas, & quæ se sequuntur symptomata, adhæc vero & curationes, pro vera veterum doctrina, si Deo placet, explicemus.

Hic inquam morbus à loco primi contagii, & ab his qui ipsum primo susceperunt, nomen est consequutus. Nam quum Neapoli primum in homines irruisset, à Gallis morbus Neapolitanus est vocatus: quum vero Galli vel per intemperantiam, & plenam viuendi rationem, vel per caliditatem eius regionis in qua præter consuetudinem versabantur, viribus infirmati, eo morbo

A iii

plusquam alii indigenæ cepissent occupari,
ab Italis Gallicus est uocatus.

Hic morbus & simplex & compositus esse potest. Simplex quidē est, uel in præternaturalium intemperaturarum genere, uel in genere tantum instrumentalium morborum, uel in eo quod ad partium præternaturalem uel unionem uel solutionem spectat. Quid enim obstat quin in corpore humano bene habito, minime excrementoso, bene attemperato, per insignem motum iuxta corpus aliud prauo hoc genere morbi inquinatum, per attritionem, per frictionem, per mutuum frotum, feruidus quidam calor concitetur: dehinc mutua spirituum emissionem & susceptionem prauum id uitium homini qui primo bene habitus erat, minime erat excrementosus, probe attemperatus erat, concepta iam feruida caliditate, quæ sensibiliter lædat functiones, cōmunicetur? Morbus tunc erit calida præternaturalis intemperatura: prauum illud uitium tertia quædam qualitas erit, quæ morbum nullo non tempore comitatur. Verum quod per mutuam attritionem, & frictionem, & mutuum frotum, feruido calore excitato, corpora calefacta spiritum uicissim excipiant, & ex sese emittant, aliorum omnium exemplo nulli non patet. Nam fruges

si calefiant, & legumina & fructus, & folia, & stirpes, & ligna, & cætera denique quæ calefiunt, spiritum suscipiunt & emittunt. Quo fit, ut uir morbo Gallico inquinatus, si in cōsuetudine cum munda muliere sese ei ita mutuo affricet, atterata' que, ut mutuo calefiant, emisso ab eo spiritu, & eodem ab muliere suscepto, mulier inquinatur. Sin inquinata est mulier, suo spiritu uitiato, uitiū uiro impartitur. Ratiocinatio hæc sumpta est ab Hippocrate libro De Natura fœtus. Sin corpus sit excrementorum, uel male habitum, uel prauè attemperatum, facilius per mutuam perfrictionem, uel fotum, uel attritionem suscepto calore, dehinc succedente mutua spirituum emissionem, & susceptionem, excipit inquinamentum. Tunc' que in male habito uerisimile est ut uiscera iamdiu infirmata, primo inquinentur: In excrementoso humores, qui exinde naturæ facti hostiles, ab ea repudiantur, & pelluntur extra corpus, si penitus à natura superentur, scilicet uacuatione sensibus uel manifesta uel occulta: sin superentur quidem, at non prorsus, pelluntur per corpus ab hac parte in illam, donec in aliqua, quæ cæteris sit infirmior, sistant: in ea præternaturalem tumorem creant, quem præternaturalis intemperatura aliqua ferè comitatur. Tūc' que

A iiii

si sensibiliter læduntur particulæ functiones, id
erit uel causa tumoris, & erit simplex mor-
bus instrumentalis: uel causa intemperaturæ,
& erit similarium partium morbus simplex:
si utriusque causa, morbus erit compositus,
scilicet & similarium partium & instrumen-
taliū. Quod si hostiles illi humores insi-
gnis acedinis sint participes, poterunt unā
cū tumore & intemperatura aliquando non
cutem solam erodere, uerum etiam subiectas
partes, scilicet & carnes, & neruos, & membra-
nas, & cartilagineas, demum & ossa ipsa.
Quamobrem si per erosionem tantum, &
non per tumorem uel intemperaturam sensi-
biliter læserint functiones, morbus erit sim-
plex partibus similaribus, & instrumentali-
bus communis, scilicet continui solutio: Sin
merito etiam tumoris & intemperaturæ, erit
cōpositus ex omnibus morborū generibus.

Solent eiusmodi affectus tempore in ali-
os uel sui generis uel alterius cuiusuis trans-
mutari, simplices in simplices, in compositos
compositi: intemperaturæ in intemperatu-
ras, calidæ nimirum in frigidas, frigidæ in ca-
lidas, humidæ in siccas, in humidas siccæ: tu-
mores item in alios tumores migrari, & tan-
dem iidem ipsi in abscessus. Hinc factum est
ut multi medici uidentes in eodem morbido

5
hominis statu tot metamorphosas, morbi natura
satis apte nequiverint deffinire. opinantes enim sub unico genere contineri, alii ad
instrumentale genus, alii ad genus comune,
alii tamen ad utrunque, nulli ferè ad intemperaturas deflexere. Nos uero non sub uno
tantum genere morbi contineri, uel duobus,
sed sub omnibus simul arbitramur, Vt ipsum ubi pluribus numeris constat, in hunc modum
satis commodè possumus deffinire. Morbus quem nostrates Gallicum uocant, est præternaturalis congeries affectuum, sensibilibiter
ac multifariam lædens functiones, à qualitate uenosa non immunis. Vbi uero simplex
sit, ita deffiniri potest, Gallicus morbus est affectus præternaturalis sensibilibiter lædens functiones,
à qualitate uenosa non immunis. Verum cum ex notitia simplicium quorumcunque
composita ueniant cognoscenda, superest ut nos primum singulorum simplicium
eiusmodi morborum naturam exponamus, ut exinde compositorum natura nulli
non sit aperta. Dicimus nos à diutina experientia edoctos esse, quòd si duo humana
corpora, quorum unum hoc genere morbi inquinatum sit alterum bene habet, sese mutuo
motibus concitatis refricent, iuxta accumbant, se mutuo foucant; calefiunt primum, &

aliquando ita calefiunt, ut anhela uix tantum spiritus attrahant, ut satis sit pulmonibus refrigerandis. Hac necessitate caloris urgente, spiritus hinc & inde suscipiuntur, & emittuntur, ut inde ægri inquinamentum sano homini impertiatur ac communicetur. Primus igitur affectus calida est intemperies, quæ, ubi primum lædit sensibilibus functiones, simplex est morbus, ubi uero secum accersit tumorem aliquem præter naturam, cuius etiã gratia lædantur membri alicuius functiones, iam morbus cõpositus esse incipit. Hæc enim calida intemperatura, quam præludium huius morbi esse diximus, nisi præsto amoueat, præternaturalem tumorem ad sese trahit: talis enim est natura calidi, & uis. Is tamen pro ratione naturalium temperaturarum, & ætatum, & humorum, cuiusuis tumorum generis esse possit, nihilominus ferè in morbi initio ex genere est phlegmones. Hæc si aliquandiu perseveret, uel in abscessum uel in tumorem durum transit. Calida uero illa intemperatura, si diutius immoretur, primum spiritibus & sanguine digerendis transit in frigidam. Hæc gignendis cruditatibus & cumulandis, in humidam nigrat. Tandem uero & ista, deficiente idoneo alimento corpori, in siccam transit, Interim autem cruditatibus

6

fluitatibus hinc & inde,uarii tumores fiunt, quorum aliqui uertuntur in abscessum, aliqui ita obdurescunt, ut marmorea tubercula esse uideantur. Perseuerante morbo hoc statu fit hæc affectuum uicissitudo. Nec qualitas illa contagiosa, quam horum generum morborum inseparabile symptoma esse opinamur, ullo unquam tempore intermittit, deserit que. Hæc est huius morborum status præter naturalium affectuum congeries, sub qua aliquando Gallicum morbum contineri dicebamus.

Singulorum causæ, tametsi iam obiter a nobis ferè sint enarratæ, nihilominus nunc etiam aliquantulum fusius explicabuntur. In temperaturæ calidæ, quæ initium est maiorum, causæ sunt, motus concitati, mutuæ restrictiones, mutuæ attritus, mutuæ cum acubitus, tum etiam fatus. Tumorum uero præternaturam humores à modo recedentes, simplicium quidem simplices, compositorum uero compositi. Hi uel in particula intumescēte generantur, uel aliunde aut pulsati, aut tracti congeruntur. Hi rursus in particula generantur ipsius uis concoctrice laborante, expultrice uim passa retinentur. Pelluntur autem uel quātitate, uel qualitate, uel utraque ratione infesti. At trahuntur per ua

cui necessitatem, scilicet ne traciūs relinquatur locus. eam uero necessitatem facit uel immodicus eius partis calor, uel alicuius appositim edicamenti & natura & uis. Continuitatem soluunt, quæcunque uel scindunt, uel contundunt, uel distendunt uel erodunt. Scindunt, quæ per aciem quicquid sibi obuiat, separant: in his sunt quæcunque exterius per aciem secare possunt, quæque interius prædita sunt ui tenuis caloris, frigoris uè. Contundunt quæcunque dura simul & grauia in aliquam rem sibi occurrētem inciderint; in horum numero sunt præduri articularum tumores, qui uicinas partes suis necessariis motionibus contundunt, laniant, lacerant que. Distendunt autem quæcunque per immodicam copiam à suo loco nequeunt contineri, ut immodici uel humores, uel flatus. qui si à loco continentur uel suapte natura, uel ex acquisita intemperatura denso, ui maiore agunt, tantoque maiore, quanto locus fuerit dēsiōr: si uel natura raro, distendunt, sed minus quidem, ut simul & distendant, & ex parte digerantur. Erodunt autem quæcunque qualitate acria sunt, & ignea ui polent. Verum si admodum uehementer ignea sunt, non erodūt solum, sed etiam exurunt, & crustas parant. Hoc in extrinse

7
tus uidemus, uidemus & in intrinsecis, tum
intemperaturis, tum uisui succis. Hæc de
causis. Iam de symptomatis singulorum dis-
feramus.

Calida intemperatura quam inter mor-
bos gallicos origine primam esse dicebamus,
ardorem parit, aliquando in pene rātum uel
pudendis mulierum, aliquando in cute cor-
poris uniuersi. Hæc eadem si cutem occupet
uniuersam, in ipsa ruborem, nitorem, ac splen-
dorem parit. Insuper eadem ipsa absumendis
ac digerendis pilorum alimentis efficit, ut hi
languescant primum, dehinc quasi semimor-
tui colore subobsurentur, tandem uero &
decidant. Interim oculi scintillant, atque illu-
stratur. Quid? quod ob eandem caliditatem
tunicis ipsorum rarefactis, spiritus ipsi uisui
in seruientes, attenuati in ambientem aerem
dissipantur. quo factum est aliquando, ut ui-
sus acies nonnullis sit imminuta, nonnullis ue-
ro etiam eousque sublata est, quoad amota
calida intemperatura, & tunicis ad pristina
densitatem redeuntibus, non amplius immo-
dice in ambientem digerantur, sed, prout de-
cet, retenti commodè suo inseruiāt instrumen-
to. Hæc sunt ferè istius calidæ intemperatu-
ræ symptomata. In tumoribus præter natu-
ram phlegmone siue in pene, siue in locis mu

liebribus, siue in inguinibus siue in aliqua
quauis parte fiat, dolorem, pulsum, feruorē,
& renitentiam parit, mutatque colorem af-
fectæ partis. Verum erysipelas quoniam ex
sanguine & bile flaua admodum calidis gene-
ratur, maiorem calorem ostēdit, coloremque
cum rubro magis flauum representat, quod
si digito uel leuiter premas, sanguis, ut qui
admodum tenuis est, statim subterfugit, rur-
sumque illabitur, rubrumque colorē redac-
cendit. Sunt duæ aliæ inflammationes quæ
de sola bile flaua fiunt, quæ si crassa sit, cutem
cui subest, exedit & nonnihil subiectę carnis,
& uocatur exedens herpes. si tenuis, cutem
tantum exurit, & non exest, hic uocatur her-
pes miliaris: utraque naturalem particulę co-
lorem ad flauum uertit. Exedere & urere
sunt morbi functiones uitiatæ. color immu-
tatus ex genere est uitiatæ corporis qualitat-
is nimirum eiusmodi inflammationū sym-
ptomata. Dolent omnes quidem, sed phleg-
mone omnium magis, dehinc exedens her-
pes, postea miliaris, Erysipelas autem om-
nium minus. Est & alia phlegmone, quæ cu-
tem tantum attingit, minime uero subiectam
carnem, & hæc quidem dolorem facit, & co-
lorem in rubrum mutat, sed caret pulsu. Ge-
nus hoc inflammationis glandem penis &

8
locos muliebres in hoc morbo, quē gallicum
uocamus, afficit non infrequenter: immo &
frōtem, & partem capitis capillatam, & oris
labra, & palatum & fauces. Huius sympto-
mata sunt color ruber, calor immodicus, &
sine pulsu dolor. Sunt & aliæ duæ inflamma-
tionis species, quas tamen in hoc genere con-
tagiosi morbi nos earum alteram uix semel
uiderimus, nihilominus quia per medici uel
imperitiam, uel socordiam, uel per languen-
tis intemperantiam accidere possunt, nolui-
mus ipsas silentio præterire. Vna est eiusmodi.
Sanguis influens ubi abundè calidus sit &
crassus, in quacunque particulā affatim influ-
xerit, ulcus in ea parit cum crusta, partes ue-
ro circumiacentes in inflammationem extol-
lit, & per feruorem admodum sæuum dolo-
rem facit. Hæc sanè inflammatio Carbo nun-
cupatur, cuius symptomata sunt exurere, cu-
tis leuitatem uitiare, sæuum dolorem excita-
re. Altera uero est, quam nos aliquando sub
nostro præceptore, in pube hominis hoc gal-
lico morbo laborantis sumus cōspicati. Con-
fluebat ad locum sanguis ater, crassus, cæno-
sus & feruidus, inde serositas quædam tenuis
superficiales quasdam bullas excitabat cute
tenus, earum quæ ab igne eleuantur instar.
Quibus disruptis deprehendebatur subesse

crustosum ulcus. & hæc uero ipsa Carbo ap-
pellatur. cuius etiam symptomata sunt, im-
mensus feruor, dolor acer, cutis inæqualitas,
demum etiam asperitas. Oedema uero est tu-
mor mollis. hunc gignit aliquando spiritus
flatuosus, aliquando influens pituita. Tumor
hic cum in aliis corporis partibus, tum maxi-
mè uel in articulis uel in extremis membris
fieri solet. Symptoma utrisque commune est,
membris mollities, illius uero proprium, cute
tenus perspicuum esse, huius subobsuro co-
lore infici affectam partem. utrique citra do-
lorem premi possunt, sub premente utrique
concauantur; uerum in illo pars depressa af-
fatim relabitur, in hoc relabitur, sed paula-
tim. In tumorum præternaturalium genere
est etiam Scirrhus, qui quoniam duplex est,
exquisitus qui penitus caret sensu, & non ex-
quisitus qui sensu quidem præditus est, sed
ualde obscuro: hinc fit ut illius quidem sym-
ptoma sit carere sensu, huius uero hebeti sen-
su esse. Iam uero ad symptomata continua-
tis solutionis, & continuitatis eorum quæ so-
luta esse deberent, discendamus. Abscessus in-
ter ipsas nobis primò sese offerunt, qui nimi-
rum ob id Abscessus appellantur, quòd in ip-
sis particulæ, quæ prius sese mutuo continge-
bant, nunc interclusa aliena materia, mutuo
disi-

9

disfident. Materia est uel humiditas quedam,
uel spiritus flatuosus. Hæc quidem & disten-
dendis particulis a quibus continetur, & ip-
sis aliquando erodendis, dolorem semper in-
fert: tunc uero magis, cum suppurationis tem-
pus instat. Nam circa puris generatio-
nem, dolores & febres maiores fiunt, quam
dum generatū est. Dolor igitur utrorūque cō-
mune est symptoma. Præterea & alia sym-
ptomata esse possunt, et penes qualitatem
affectæ partis immutatam, scilicet uel calo-
rem, uel frigus, uel duritiem, uel mollitiem,
uel leuitatem, uel asperitatem, uel colorem si-
ue magis album, siue cinereum, siue liuidum,
siue nigrum, omnia scilicet pro ratione uel
quantitatis, uel qualitatis materiæ quæ in ab-
scsibus continetur. Cōtingere etiam aliquā-
do in hoc morbi genere ulcera quedam in
penis glande, & in interna parte præputi-
operientis, quæ per negligentiam uel medici
uel languentis ita inuicem coaluere, ut nullo
pacto præputium a glande diduci posset. cuius
quidem præternaturalis unitiois sym-
ptoma præcipuum impedimentum est coe-
undi: affectus autem est unitas eorum quæ
naturaliter ab unice soluta esse debuerunt.

Sunt præterea tria alia symptomata, quæ tūc
potissimum deteguntur, quando morbus

B

iam toti corpori est communicatus. Primum est grauitas scapularum. Secundum est iugulorum & summorum humerorum dolor, immo aliq̄do & brachiorum, & crurium. Tertium est faucium rubor & calor. Grauitatē scapularum à substantia uitiosorum humorum scapulis incumbēte oriri opinor: Dolorem autem ab eadem vel simili substantia, sed altius quidem infixam, in membranis scilicet, à quibus ossa operiuntur, & in tendonibus musculorum qui ad eas partes peruenerunt: quæ tanto tenuior quàm illa esse debet, quanto meatus tendonum & membranarum meatibus carniū sunt angustiores. Verum quoniam ii dolores noctu ingrauescunt, mitescunt uero luce proxima: Sunt qui dixere, id primum noctis humiditati acceptum ferri, in quientes ab ipsa internas humiditates augeri atque agitari. Nos uero augeri quidem humiditates ab noctis humiditate posse non negamus, agitari autem nequaquam. Humiditas enim inefficax. Dicunt secundo, Naturalem calorem noctu introrsum reuocari, humores commouere, dolores ex eorum commotione exacerbari. At nos arbitraremur naturalem calorem, ubi ad uiscera reuocatur atque unitur, uim maiorem concipere, & melius humores freno cohibere. Quamobrem

nos potius aliter diceremus, scilicet corpus à noctis frigiditate densari, digestionem acriū uaporum inhiberi, immo potius cogi atque uniri, & inde membranas, ossium operimenta ui maiore erodi. Nihil uero ad rem spectat id quod aiunt, scilicet humores à quibus gallicus excitatur morbus, ut plurimum frigidus esse: quia adhuc superesset quærere: cur frigidi humores noctu quàm interdiu magis uexent. Quòd uero per corporis densitatem à noctis frigiditate acres uapores intus retineantur, indicio est, quòd ex leui linteorum caliditate ac foru circa dolentes partes nonnihil mitescit dolor, dehinc perseuerante calefactione ac foru augetur. quoniam leuis caliditas ac forus corpus rarefacit; uehemens ac diurna præter hoc quòd acredinem auget, plus acrium uaporum auget quàm digerat.

Fauciū autem calorem & ruborem excitat influxus sanguinis feruidioris. Nūc uero de præfagiis agendum.

Sunt qui affirmant neque à Galeno, neque à quoquam antiquorum in hoc genere morbi præfagia quærenda esse, morbum hūc nouum esse asseuerantes. Sed oh rē nefariam & penitus perniciosam, scilicet discipulos à uera ueterum scriptorum doctrina auocare, ad sese & ad inania fabulamenta per

trahere. Verum mihi dicant quæso, quid in hoc genere morbi, quod nouum esse centies dicere non erubescunt, reperitur, cuius Hippocrates in præfagiis & prædictionibus, & consequenter Galenus in ipsorum expositionibus non fuerit memoratus? Præteriere ne ipsi silentio ulcera recentia, uetera, mollia, prædura, benigna, maligna, lutea, liuida, nigra, humida, sicca, & quouis modo intemperata, immo & alta, & quæ cutem tantum afficiant? Tacuere ne cuiusuis generis intemperaturas? simplices, compositas, cum materia, sine materia? Tacuere ne tumores præter naturam? duros, molles, mucronatos, non mucronatos? introrsum, uel extrorsum errumpentes? Tacuere ne suppurationes uel internas, uel externas? Atqui hoc mihi saltem non negabunt, Vnicam scilicet omnis præfagitionis radicem esse, cuius Hippocrates in ipso statim præfagiorum initio est memoratus, quando secundum nostram interpretationem dixit; Morborum igitur eiusmodi naturas non ignorare est opus, quātū scilicet supra corporum uires emmineant. Sed quid aliud tādē est hoc, quā morbi uires cum corporum uiribus comparare? Morbi autem uires constāt ex eius substantia, ex præstantia affectæ partis, & ex eius malitia. Quæ nimirum ex sym-

11

ptomatis dignosci possunt. At vires languen-
tis cognoscuntur ex functionibus trium gene-
rum facultatum. naturalis, vitalis, anima-
lis. Naturalis sicut quadruplex est, ita quadru-
plices sunt ipsius functiones, scilicet alimenti
tractio, retentio, mutatio, & superflui excre-
tio. Harum uero robur dignoscitur ex habi-
tu corporis primum. Qui si bonus sit, hasce
functiones ualidas esse ostendit: sin ad sum-
mum attingat bonitatis, iam non caret uitio
& est periculosus; non enim in eodem confi-
stere potest, nec in melius proficere, reliquum
igitur est ut in peius. Verum si malus sit, uel
gracilis, uel tumens. si gracilis, corpus ἀτροφία
laborare significat: sin tumens, plus attrahi at-
que retineri, quam immutari atque excerni
ostendit ille tabem præ sagitur, hic uero aquã
intercutem. Sed quam alia ratione ex uri-
nis præ sagimur, & alui excrementis, ex vo-
mitionibus, ex sudoribus, ex sputis, ex nariũ
mucis, ex ceruminibus, ex lachrimis, ex sanie
bus, ex pedendo, ex sternutando, ex ructan-
do, quam ut robur, aut infirmitatem huiusce
facultatis indicemus? Quam alia ratione
spirationis frequentiam, raritatem, magnitu-
dinem, frigiditatem, & facilitatem, sed & pul-
sum uehementiam, obscuritatem, & medio-
critatem exploramus, quam ut ostendamus

B iii

fortitudinem, aut imbecillitatem vitalis facultatis: Quid enim aliud ex decubitu præfagimur, ex oculis, & alio quouis sensus instrumento, siue communi, siue proprio, ex dentium stridore, ex conuulsione, ex manuum gesticatione, ex pandiculatione, ex appetentia, vel inappetentia, vel appetentiæ prauitate, ex constantia, vel inconstantia rationis, quam vt demonstramus, quæ sit vis facultatis animalis: Hæc est vera veterum medicorum præfagiendi ratio, non in antiquis morbis solum, sed etiam in his, quos isti nouos vocant, nec vlla est alia: quam summe opto, & spero, vt Deo optimo bene iuuante, tandem totis viribus amplectantur. De symptomatis autem fracturarum, ruptionum vasorum, & vulnerum, non est vt verba faciamus: quoniam ad morbum hunc, quem gallicum vocamus, nihil spectant. Reliquarum vero solutionum continuitatis symptomata abunde exposita sunt superius, cum de symptomatis tumorum præter naturam agebamus. Iam vero tempus est vt ad curationem singulorum transeamus, ab calida intemperatura auspicati.

Calida intemperatura, quæ inter hæc morborum genera primas partes habet, vt facile cognosci potest, ita & curari. Curatur autem per suum cõtrarium, scilicet per frigidam in-

temperaturam remediorum. Hæc autem cum
 altera sit qualitatū actiuarum, facile sese cor
 pori insinuat. Vno igitur aut saltem altero
 die hæc intemperatura corrigetur, si quis pro
 be & vt decet suam sibi contrariam admoue
 rit, atque opponet. Admoueri potest exte
 rius & interius: Exterius, per qualitatem frī
 gidam aeris ambientis, per lauacrum, per illi
 tiones, & per ea, quæ apponi possunt, Græ
 ci ἐπιθήματα appellant: Interius, per eundem
 aerem qui inspiratur, & qui dilatatione arte
 riarum trahitur in ambitu corporis uniuersi,
 & per ea quæ ore ingeruntur: ea uero sunt, ci
 bi, & potiones, & frigida medicamenta. Do
 mus igitur ad aquilonem spectet, ad frigi
 dum permutetur frigidis irrigationibus, flo
 ribus, herbis, germinibus, fructibusq̃. Tepi
 do dulci oleo illiniatur: dehinc ieiuno uētre,
 & purgatis alui excrementis, balneū ex aqua
 dulci temperata intret, in eo aliquandiu uer
 setur: cum que exitum apparat, sese in frigi
 dam demergat, uel ex frigida irroretur: de
 hinc linteis mollibus detergatur, cubile in
 tret, modice quiescat: postremo cibum capiat
 ex frigidis holeribus, ex teneris & arenosis pi
 sciculis, ex acerariis & frigidis intrictibus, &
 cum modico saccharo poscam bibat, uel fri
 gidam aquam, si ei insueuit, uel etiam cotonei,

B iiii

vel punici mali succum. Quod si, his peractis,
adhuc magnum & frequens spiret, cordi frigi-
da potestate apponantur. Hac enim demum
ratione quicquid aduentitii caloris residuum
est, illico summouetur, nec amplius phlegmo-
nem expectare oportet siue in inguinibus, si-
ue in pudendis fore. tutoq; poteris affirmare
te morbum saeuissimum in prima sui origi-
ne iugulasse.

Verum si, antequam ad languentem acces-
seris, calida illa intemperatura phlemonem
iam, siue in pudendis, siue in inguinibus exci-
tarit, nec dum ea suppuret quidem, sed cruda
existens fluxiones undequaq; ad sese conuer-
tat, excipiatq;: Tu habita prius ratione uiriū
ægotantis, nec non temperaturæ & natura-
lis & per consuetudinem acquisitæ, & ætatis,
& qualitatis ambientis, & neque non tempo-
ris, quo morbi summus uigor expectatur: ita
uiuendi formam institue, ut languens inte-
rius refrigeretur, exterius modicè calefiat, ne
per frigiditatem ambientis mala morbi qua-
litas ad uiscera repellatur: ita nutriatur, ut ui-
res summum morbi uigorem possint expe-
ctare. morbi uero causa minime augeri pos-
sit. Hac uictus ratione instituta, quoniam in
foribus est morbus ingens, & saeuus ualde, si
languentis vires, & ætas ferunt, uenam ape-

rito, non ex superioribus aliquam, ne vitium
 ad viscera comportetur, sed ex infernis, siue
 in poplitibus, siue in malleolis. Quantitatem
 sanguinis uacuandi præscribant plenitudo,
 corporis robur, ætas, ambiens aer, anni tem-
 pus, cœli status, & regio. Antea uero cau-
 dum nequid crudum resideat in intestinis, si-
 ue humor, siue cibus. Tale autem siquid insit,
 prius educendum est, uel leui sublutione, uel
 glande, uel casia, uel manna, uel lactis sero.
 His ita peractis, crura quotidie uacuo uentre
 linteis asperis & calentibus fricentur, vincu-
 la supra malleolos, & poplites adigantur, cu-
 curbitulæ femoribus apponantur, nihil omit-
 tatur, quod influxum sæui huius morbi
 ad uiscera possit inhibere. Quæ omnia sunt
 communia omnibus inflammationibus pu-
 dendorum & inguinum, de quibus agemus
 consequenter. Atque interim loco affecto nõ
 repellentia quidem apponi debent, (quod ce-
 teris quidem fluxionibus est commune, qua-
 tenus scilicet sunt fluxiones,) sed quæ trahunt,
 quæq; in halitum digerunt, ac maturant. Con-
 stant hæc ex pinguedinibus, ex coctis radici-
 bus althææ, bryonæ, bulbis liliorum, ex pin-
 guibus caricis, similibusq;. Quod si uel myr-
 rham, uel bdellium, uel ammoniacum addi-
 deris: trahent quidem magis, nec suppuratio

nem inhibebunt. Tu ex aliis simplicibus me-
dicamentis potestate his similibus alia com-
posita tibi ipsi parare poteris, prout locus, &
temporis occasio exoptulabunt. Dum hæc
peraguntur, nulla intercitat dies, qua aluus
non leuiter stimuletur siue leui sublutione, si-
ue glande: quò nimirum intestinorum uis
retentrix ex humidis & pinguibus non nihil
quodammodo laxetur, atque infirmetur: &
natura, quæ humanum corpus regit, infue-
scat eò suas superfluitates deriuare. Hoc uero
perpetuum esto in gallici morbi curatione.
Id uero etiam ut commodius & exactius fiat,
singulis diebus aliqua potio uentri uacuo est
propinanda, quæ in primis infrigidet, & de-
tergendis & secandis succis corpus fluidum
reddat, immo & bonam aluum faciat. Parantur hæc ex decoctis passularum, myxariorum,
intubi, cicerbitæ, & similibus: Quibus deco-
ctis si addatur uel syrupus acetosus, uel oxyza-
chara, uel de acetositate citri, præter hoc,
quòd bonam aluum faciemus, sistemus humo-
rum fluxiones, & humores dominio naturæ
subiiciemus, & obstructa aperiemus, & quic-
quid reliqui est calidæ illius intemperaturæ,
adimemus. Verum si phlegmone transeat in
abscessum, quoniam tunc partes phlegmone
affectæ ab inuicem diducuntur, & materia

subintrat aliena, dolores augentur, neque nō
 & febres, modo præcesserint, sin non præces-
 serint, tunc maxima ex parte excitatur. Quæ
 vero subintrat materia, uel naturam affectæ
 partis superat, uel ab natura superatur. Si su-
 perat, uel retrocedit, & per totum corpus spar-
 gitur, ut uiscera & reliquas corporis partes
 malo hoc genere morbi inquinat, uitietq̃. &
 tunc primum humeris ingens pondus impo-
 nitur, ut plumbi magna moles sibi incumbe-
 re uideatur. dehinc paulo post dolores iugu-
 la & summos humores inuadūt, qui uix pau-
 lulum interdiu remittuntur, noctu inuale-
 scunt. dehinc consequenter incipiunt fauces
 rubere, incalescere, dolitate, deglutio lacescitur
 uox rauescere. Sed hic non est locus, in quo
 de morbi communicatione sit agendum. Ad
 phlegmones igitur abscessus reuertamur. Di-
 cebamus abscessus materiam, contra naturam
 uictoriã obtinere, uel ab natura superari: ob-
 tinere uictoriam, quando uel retrocedit, & to-
 ti corpori communicatur, uel naturam affe-
 ctæ partis corrumpit, & emortuam, & sensi-
 bus carentem reddit, hoc erat quod nobis sup-
 plendum fuit. Gangrænam hunc affectum
 uocant, quem nos quidem, quoniam raro in
 gallico morbo fieri accidit, silentio præte-
 rire decreuimus, Sin natura materiam su-

perat, uel prorsus exacte, uel non exacte quidem, si exacte, illam quidem fundit, dissipat, discutit, in aerem ambientem uertit, nec amplius gallici morbi timor est reliquus: si non exacte, illam ad semimalam naturam mutat, scilicet in pus. Tuncque pro uictoriae ratione mitescit dolor, durities remollitur, renitentia, rubor, & calor remittuntur, omnia fiunt leuiora. Cum uero pus iam genitum est, cessat dolor omnis, & iam tempus instat aperiendi, nisi sponte, erosa cute, foras pus erumpat, prodeatque. Si igitur sponte non erumpat, scalp pro aperiatur, sanguis prodire sinatur pro uirium ratione, dehinc cohibeatur oui candido. Pus uero si album sit, leue, & æquale, nihil est quod timeamus, neque gallicum morbum quidem, modo probe & ut decet expurgetur. id quod fiet, si pro modo sordis detergatur, siccet pro modo puris. Verum inter siccandum ratio habeatur non temperaturæ solum languentis, uerum & ætatis, & sexus, & qualitatis aeris ambientis, immo & temperaturæ affectæ partis. Nam non solum qui per naturalem uel acquisitam ex consuetudine uiuendi temperaturam, & qui per ætatem, & sexum sunt sicci, sicciore egent medendi ratione, quam qui humidi: Immo etiam ii, quorum pars affecta per naturam sicca est, adhuc

multo magis medicamentorum ui egent sic-
 cione, quàm ii quorum pars affecta humida
 est per naturam. Atqui in detergendo sensus
 acuitas, uel hebetudo particulæ laborantis
 operi modum definiunt, ac præscribunt. si-
 quidem quæ acutiore est sensu, optat deter-
 gētia mitiora; quæ hebetiore, fortiora. Sed ne-
 que in caui ulceris curatione uictus ratio con-
 temnenda. eget enim cauum ulcus alimento
 quod qualitate & quantitate modum seruet.
 siquidem alimētum, quod per qualitatem a
 modo aberrat, si immodicè calidum est, sor-
 dem & faniem acres reddit. si immodicè frigi-
 dum, ulcus impallescit, aut liuet, nigricat uè,
 alimentum non probe concoquit, in sui sub-
 stantiam non immutat. si humidum nimis,
 ulcus & humescit, & sordescit. si siccum ni-
 mis, etiam ulcus ipsum siccescit, & priuatur
 alimento, quo deficiente, labra fiunt gracilia
 lori instar, dehinc pallida, liuida ve. Verum
 si alimentum per quantitatem à modo defi-
 ciat; si fit nimis multum, ulcus fit excremen-
 tosum; si paucum nimis, squallet & priuatur
 alimento. Tamen si uero alimentum utraq; ra-
 tione optimum in cauum ulcus deferatur, ni-
 hilominus, nec quod deest carnis aggenera-
 bitur, neque ulcus æquabitur, nisi cuiq; ex
 subiectis ulceri particulis sua insit temperies

naturalis . ipsa enim est quæ alimentum ad
sele trahit, tractum tandiu retinet quoad im-
mutet, & suo subiecto assimilet uniatq̃. Quã
obrem si qua particula sit immodice frigida,
quoad satis est, calefiat: si calida, refrigeretur: si
sicca, humefiat: si humida, siccetur: pariterq̃ si
calida & sicca, frige fiat & humectetur. sicq̃ de
aliis compositis ad proportionẽ, habito sem-
per respectu ad temperamentum suæ ipsius
sanitatis. Quod si præterit, nunc ipsum quæ-
rere non est opus, sed quod adest, seruari de-
bet. Verum quoniam in curatione caui ulce-
ris, siccantium & detergentium fecimus men-
tionem, multa autem sunt eiusmodi: non alie-
num fuerit horum aliqua ad memoriam re-
uocare. Siccant igitur sine morfu in simplici-
bus olei fex, oleum dulce sine sale lotum: fer-
mentum, quod præterea ex imis trahit, dige-
ritq̃: cerasi gūmi, cyperi radix, sapa, myrrha,
sarcocolla, stibium, tragacanthum, terra om-
nis, maximè si sit lota cadmia, tutia multo-
tiens lota, calx lota, & oui tum album tum
lutaum. immo et radix bryonię, & asphodel-
li, magis uero & ipsius cinis. adhuc uero &
omnia metallica, & lapidea & terrena. In his
omnibus siquid est quod per acredinem sit su-
spectum, id toties aqua omnis qualitatis ex-
perte lauetur, quoad acredinem, quam gustu

deprehendere poteris, amiserit. Detergunt autem teste quoruncunq; animalium testa in rectorum, mel, radix bryoniæ, aristolochia, asphodelli radix, succus absynthii, staphis agria, elleborus uterq;, marrubium, propolis, Mastiche, terebinthina, sagapenum, cucumeris agrestis radix, beta, terra chia, & samia, exustum cornu ceruinum & caprinum, & quicquid inuenire possis vel nitrosum vel amarum. Vlcera vero sordem sine morso purgat, quicquid dulce est, & tenues partes habet, velut eruum, hordeumq;, & fabæ. Tu ex his & multis aliis similibus sumptis indicationibus ex naturalibus, non naturalibus, & ex his quæ sunt præter naturam, poteris tibi ipsi composita medicamenta comparare, quæ naturæ caua ulcera implenti & æquanti per hæc binas facultates opem ferent: Nec te quidem huic certissimæ rationi & stabili fulcro nitentem fallent. Verum deinceps medicamenti compositi vim & potentiam ex languentis sensu poteris coniectari. Nā si appositum vlceri adeo momorderit, ut ægrotus ipse se uim ipsius sustinere non posse affirmet, certus fies nimium deterfisse. Quod si uim ipsius non senserit, non satis deterfisse cōiectator. Siccandi autem uis & modus & ex quantitate puris elicies, & ex naturali tempe-

ratura corporis uniuersi & affectę partis, præ
terea ex ætate, sexu, ambientis qualitate, &c.

Iã vero ad erysipelas descendamus. Si igitur calida illa intemperatura, quam initium & veluti carcerem esse diximus, unde hic gallicus morbus promouetur, erysipelas euocari, siue in pudendis, siue in inguinibus, siue in pube, (Ad hæc enim loca fluxiones primo immitti solent,) siue purum sit erysipelas siue phlegmonem secum adiunctam habeat, omnino eadem ferè methodo curari debet, qua phlegmonem curari dicebamus. scilicet vt fluxionem quidem ita inhibeamus, vt si fieri possit, nihil ad superiora, idest ad viscera repellatur. Mittatur igitur sanguis ab infernis venis, fricentur crura à fœmoribus ad extremos pedes, supra poplites & malleolos uinciantur, affectus locus lauetur sæpe ac foueatur posca admodum diluta & tepenti, dehinc leuiter detergatur, consequenter vero iterum ac frequenter ex unguento rosacco Galeni actu frigido foueatur, modus apponendi fuerit, quoad ex refrigeratione senserit leuamentum. Quòd si calida illa intemperatura flauam bilē acciuerit crassum feruidamq; & inflammatio in iam dictis locis vel in eorum aliquo sit oborta, hæc nō cutem solam ex est, verum etiam aliquid subiectæ carnis, quam
Her

Herpetem uocant exedentem . Hanc igitur
 curare aggrediamur . Influxio, quantum fieri
 potest, trahatur in infernas partes, nihil in su-
 pernas refluere permittatur, de partibus in-
 flammatis nihil repellatur . Quoniam igitur
 magnus morbus est, & adhuc maiorem fo-
 re suspicamur, aperiatur ex inferioribus ve-
 nis aliqua, sanguis dematur pro ratione vi-
 rium, ætatis, temperamentis, ambientis aeris
 etc. crura, ut dictum est, fricentur, vincian-
 tur. cucurbitulæ femoribus apponantur.
 Quoniam vero superius, cum de cura phle-
 gmones agebamus, dictum fuit, aluum esse
 extimulandam leuibus sublutionibus glan-
 dibusq; potionibus esse leniendam, corpusq;
 simul esse refrigerandum, & per easdem mo-
 tus humorum sistendos esse, uias esse aperien-
 das, & exemplum posuimus alicuius eiusce-
 modi potionis: necessum non est ut eadem in
 curatione reliquarum inflammationum re-
 petamus. sunt enim hæc omnibus eiusce-
 modi inflammationibus communia. Verum
 herpes exedens illud etiam cum erysipelate
 commune habet, quòd refrigerari postulat,
 verum non pariter atque erysipelata hume-
 ctari, Immo refrigerari quidem, & insigniter
 exiccari. Quamobrem non ei conferunt dilu-
 ta posca, & vnguetum rosaceum, & succus la-

C

Stucæ, & intubi, & palustris lenticulæ, & sem-
peruiui, sed statim folia rubi contusa, & cani-
ni rubi, & arnoglossi, dehinc vero & lens ad-
di potest: Interim vero & farina hordeacea,
& mel. At supra locum ulceratum satisfacere-
rint quæcunque detergant, siccantq̃. supe-
rius eorum sylvam adnotauimus. Tu ex his,
spectans ad ea quæ ibi diximus, poteris tibi
ipsi composita comparare. Verum si per im-
peritiam medici, uel per ægri intemperan-
tiam putredo ima petierit, & latius pabula-
rit, tu globulis illis utitor, qui ad Polyidem,
uel ad Pasionem, uel ad Musam, uel ad An-
dronem referuntur. Illos uero soluito uel ex
passo liquefaciens, uel ex uino albo tenui, &
subadstringente: semper in memoria habens
temperiem & ægri, & affectæ partis, nec non
& reliqua, quorum superius fecimus mentio-
nem, ad quæ uidelicet vires medicamento-
rum temperabis. Forte etiam cogers ignito
uti ferramento, id quod nec te decipiet qui-
dem, modo id affectæ parti tuto possis admo-
uere, quod nimirum magna difficultate & lo-
cis muliebribus, & palato, & faucibus admo-
uetur. Atqui si per ægri timiditatem, uel per
loci affecti angustiam, & cauernositatem eo
uti nequeas, uteris mysi, & chalcitide, uel so-
ri, uel calce, uel arsenico, uel sandaracha: ea

excipito vel passo, vel vino, vel mulso vel aceto mulso: vel etiam vti poteris composito illo medicamento, quod refertur ad Aegyptios, habent enim & hæc igneam potestatem. Succedit inflamationis quartum genus quòd cutem vrit, circum circa bullas excitat, tamen subiectas partes non attingit. Hoc genus inflammationis semel vidimus nos cum morbo hoc gallico commisceri. Cum superiore id commune habet, quòd refrigerari & ficari postulat: at minus quidem quàm illud, quoniam partes cuti subiectas, nisi admodum diu perennet, minime afficit, sed cutem tantum. Propterea his per illitiones quæ ex Glauccio fiunt, satis fiet, id Memithe nostrates uocant. soluitur ex aqua, cui si non satis fecerit, acetum addi potest. Huic etiam affectui profunt plantaginis & solani succus. Quod si tēporis diuturnitate subiectas cuti partes inuaserit, tunc confugiendum erit ad curationem herpetis exedentis. Verum quoniam morbi longitudine solet mala huius morbi qualitas visceribus communicari, iam tunc purgationum ratio habenda uenit. Quòd .n. tarda mali curatione toti ferè corpori ē impartitū, desinit iam suspectū esse. & nos quidem hæctenus purgatoriorum medicamento sum usum declinauimus, ne forte per ipsa ui

tiati succi gallici morbi ad viscera traherentur, nunc vero malo ipsis communicato ab initio suspitio. sed de hoc aliàs. Nūc ad Phymata idest ad tumores illos paruos, qui ferè pudenda primum, dehinc reliquas corporis partes, maxime vero frontem, & mētum, & partem capitis capillatam, neque non & palatum, & fauces obsident, descendamus. Hæc dū adhuc tantum pudendas partes male habent, non omisissis reuulsionibus ad infernas partes, de quibus iam semel & iterum locuti sumus, his quæ tenui substantia consistunt, & in halitum digerant, excuti, atque curari debent. scilicet fotibus, illitionibus, & cataplasmatibus. In eorum classe sunt oleum uetus, oleum cedrinū, oleum rosaceum, oesipus, leonis adeps, pardi, hyenæ, vstum abrotanum, uitex, bryoniæ radix, aristolochia, sicca plātago, radix asphodelli, radix rubi, radix glycyrrhizæ, amōmū, asari radix, sales, flos salis, nitrum, arsenicum vstum, sulphur, melāteria, mysi, æs, sandix, sepiæ testa exusta, & exustæ lanæ: insuper opobalsamum, terebinthina, & propolis, & gūmi, & mastiche, & euphorbium, & fermentum, multaq̄ alia, quæ longum esset enarrare. Tu vero ex horum aliquibus fotus, & illitiones, & cataplasmata poteris comparare, modo temperaturæ corporis uniuersi & affe

Etæ partis, & ætatis, & sexus, & qualitatis æ-
 ris ambientis, & naturæ morbi non desinas
 memorari. Verū si aliqua ex his non excu-
 riantur, sed in pus uertantur, fiunt ulcera que
 dam rotunda, subdura, & prærubra, Græci
 αὐκὰ uocant, nos uero ficus. hæc maligna sunt
 & insigniter siccati postulant. Profunt uero
 medicamenta, quæ ex alumine scisso conficiū-
 tur, & ære usto, & taurocolla, æquis portioni-
 bus, & duplo horum ex æris squama, ubi exa-
 cte trita fuerit ex aceto, & illita. quòd si ni-
 mis momorderit, pro aceto, posca utitor. si
 adhuc nimis mordeat, uino subadstringente
 uice poscæ, acuitatis enim sensus habenda ra-
 tio. Conferunt & halecularum exusta capita,
 & assati bulbi, & cinis aceto mixtus. Quòd si
 spargantur per cutem corporis uniuersi, utē-
 dum eadem medendi ratione, scilicet euocati-
 ua, sed ex alio principio. In privati membri
 phymate mali uitiū ne in uiscera serperet, ten-
 tabamus euocare, in phymatis totius corpo-
 ris euocamus, ut operi naturæ opitulemur.
 scriptum est enim: Vndecūq; natura repit, in-
 de ducere oportet per conuenientes regio-
 nes. Conuenientissima autem regio est cu-
 tis, quæ corpus nostrum ambit. suapte enim
 natura emunctoriū est corporis uniuersi. Cu-
 tis igitur rarefacienda lenibus frictionibus,

ventre vacuo, illitionibus euocantibus inun-
genda, in hypocaustis diu ac frequenter, quò
abundè sudet immorandum, cucurbitulæ ini-
bi toti ferè corpori affigendæ, & pro uirium
robore, ætate etc. scarificanda est cutis, de-
hinc sapone detergenda, tepida abluenda, &
cum exitus apparatus, linteis tepidis siccan-
da. vlcuscula postremo præscriptis illitioni-
bus, vel similibus facultate, illiniēda. Verum
quoniam diximus phymata quæ per cutem
corporis uniuersi sparguntur, pariter atque
illa quæ pudendas tantum partes occupant,
per cutem digerenda esse, atque excutienda,
sed ex diuerso tamen principio: siquidem pu-
dendorum phymata ideo digerenda per cu-
tem esse, ne eorum materia ad uiscera retroce-
dat: hæc uero, quò naturæ eò mouenti opitu-
lemur, atque foueamus. Quocirca Hippocra-
tis auctoritatem adduximus, scilicet. Vnde
quaque natura repit etce. Quidam obiecit
neque ineptè quidē inquiring, tantā excremē-
tosam materiam corpori inesse posse, ut nisi
saltem leui purgatorio medicamento minua-
tur, uix phymata ipsa nisi admodum longo
temporis spatio sanari posse. Subiit statim
alius quidam, obiiciens Galeni authorita-
tem, qui alopeciam (in qua nimirum, sicut &
in hisce tuberculis, natura mouet ab nobilio-

ribus ad ignobiliores partes humorem uitiatum) curat purgatione .eadem igitur ratione, inquit, & in phymatis purgare licet. Nos uero hisce argumentis respondere posse arbitramur in hunc modum. Natura cum in alopecia & phymatis mouet ad cutem humorem uitiatum, is humor non pariter utrobique est uitiatum, nam in illa uitiatum est per prauam qualitatem manifestam, scilicet per acredinem erodentem, atque exedentem: in his uero per prauam qualitatem & occultam & manifestam. Quamobrem primum casus sunt diuersi. Præterea in utrisq; hisce motibus ab internis ad externa, natura vel sponte mouet vincens humorem, quem mouet, vel non sponte quidem, sed per modum symptomaticis, idest impulsa, & uim passa ab humore quem mouet, si sponte quidem mouet, & ob tenta uictoria supra humorem, sibi opitulandum est ac fauendum, & inde ducendus est, quo natura ipsum inclinatur, cum regio sit opportuna. neque timere oportet vel alopeciam, vel phymatum incrementum. nam uincente natura humorem, is iam coctus est, & ad mediocritatem suæ substantiæ, & suæ temperaturæ reductus, iam non amplius mordax est, nec immodice crassus est, ut sub cute possit retineri, alioqui a natura non uinceretur. tuto igitur

C iiii

tur eò trahi potest, cum iam deposita crassitie
sub cute non immoretur, sed vel in sudorem
manifestum, vel in halitum immanifestum de-
geratur, & in ambientem dissipetur. Quòd si
natura non sponte, sed per modum sympto-
matis, idest extimulata & uim passa mouet, id
illi euenit, vel per humoris vitiatam qualita-
tem, vel eiusdem quantitatem, vel utriusque
ratione. Statue igitur naturam utraque ratio-
ne extimulari, ad hunc enim modum uis natu-
ræ illata magis apparebit. Tunc uero vel ex
eo humorum motu suspitio erit aliquid uehe-
mentioris morbi quam sint phymata ipsa,
vel alopecia, puta vel lepræ, vel elephantia-
scos, vel cancri, vel gangrænæ, & similia
perniciosorum malorum; vel nulla talis est sus-
spitio. Si autem tale aliquod perniciosum im-
mineat, humoris motus non solum remitten-
dus est & retardandus, uerum etiam inhiben-
dus. Quòd si dixeris, Unde cumq; natura re-
pit, inde ducere &c. Dicimus Hippocratis
theoremata perpetuo uerum esse, cum natura
sponte mouet, non impulsu, non uim passa.
aliàs nequaquam semper. Medicus enim per-
petuo imitator est naturæ sponte agentis, nõ
extimulata, neque in furorem actæ. Uerum
si nihil aliud sæuius expectatur: si per quanti-
tatem stimulat, quantitas est demenda, siue

multis admotis cucurbitulis & scarificatis ipsarum locis, siue ciborum abstinentia, vel ciborum parcitate, siue frictionibus, siue externis illitionibus: si per qualitatem, ipsa per contrariam qualitatem est corrigenda. Hoc vero est coquere humorem, & ad mediocritatem sui temperamenti & substantiæ reuocare. Quæ ubi feceris, tunc interdito ad nature motum, qui si sit ad cutem, tu pariter per cutem euocato. Is enim motus iam est nature sponte agentis, non amplius extrimulata, nam humor ad mediocritatem & substantiæ & temperamenti est reuocatus. Sin natura coctum humorẽ quiescere sinit, tu moue ipsum, si natura mouere deberet, ac non mouet quidem, moue inquam, siue per medicamentum purgatorium, scilicet si purgandus humor alui sit uicinior, & viæ ad ipsam aluum sint paratæ. id quod est corpus fluidum esse, vt dicebat Hippocrates: siue per vomitorium, si in ventriculo fluitet, atque innatet: siue per medicamentum quod vrinam cieat, scilicet si humor sit supra iecur, ac nõ admodũ sit multus. Subscribunt hæc doctrinæ magni Hippocratis, neque Galeno vel tantillum aduersantur.

Nũc vero ad binas alias inflammationes, quæ ex genere sunt carbonum, diuertamus. Hæ eiusdem fere indicationibus curationem

expostulant, quibus & exedens herpes. scilicet ut vlcus qua parte est crustosum, vehementibus siccetur medicamentis, at tanto mitioribus quidem, quanto minus ima petit, ac depascit. Verum per ambitum crustosæ partis apponantur quæ refrigerent, siccentq̃. Globuli igitur & Andronis, & Pasionis, & Polyidæ soluantur, non ex passo quidem neque ex vino neque ex posca, sed ex aqua vel ex succis siue sereos, siue plantaginis, siue solani. In ambitu autem vel eadem herbæ contusæ apponantur, vel earundem succi, vel etiam cataplasma ex erui farina, & aceto mulso. Verum cum absoluerimus curationes omnium solutionum continuitatis, quæ contingere solent in hoc morbi genere, nunc curationem instituemus vnitæ solutionis. Dixeramur superius, aliquando in hoc morbo euenire, ut per vlcera glandis penis & præputii, ita inuicem coalescant, ut nullo pacto diuelli queant, & eo maxime si tumet penis. Quamobrem primum particulam tepidis, quò tumor remittatur, foueri oportet: dehinc pinguibus irrigari, ut renitentia subsidat, & vlcuscula de integro suppurentur. Interueniente enim pure, vnitæ partes ab inuicem separantur. Hic profecto curationis modus vnitam solutionem sanat, promouet autem continuitatis solutio-

nem, Alius vero curandi morbus est, vt citra puris generationem partes præter naturam vnitæ, scalpro separētur. Atqui nihilominus particulam affectam fotibus tepidis, irrigationibus, & illitionibus præparare oportet. Id quod neque citra prouocationem vlcis assequi licet. Nūc ad Oedema transeundum. Tumorem hunc per binas causas, a quibus prodit, duplicem esse dicebamus, flatuosum vnum, alterum pituitosum. Ille in his qui ex aqua intercutem male habent, vel in tabe, vel in alio malo habitu in cruribus & pedibus oriri solet, potiusq; symptoma, quā morbus debet appellari. Quamobrem de ipso nunc agendum non est. Verum oedema quod fluxio pepererit pituitæ, in hunc modū mea sententia curari debet. Pituita vel concreta est, qualis in vetere œdemate esse solet, uel liquida. si concreta, prius liquari debet dehinc & digeri et sicari, & repelli. Liquatur pingui, ac leui frictione, & tepidis lotionibus, fotibusq;. Digeritur per ea, quæ caliditatē tenuē habēt, quale est lixiuium, magis uero etiam si sulphuris sit particeps. digeritur etiam noua spōgia adligata. Siccat per nitrum, & aphronitrum, & alumen si lixiuio sint adiecta. Repellitur autem per vincula, si de inferioribus ad superiora, quemadmodū in fracturis, de

ducantur. At si liquida sit pituita, non tanta
medicamentorum uti opus habet. sed satis
erit noua spongia ex aqua lixina & aceto ap
posita, & adligata. Sæper vero mollitudinis,
& duricie corporum habenda ratio. nam
mollioribus mitiora, durioribus vehemēti
ora medicamenta sunt ex usu. Iam de Scirrhis
ultimo loco agendum. Duplices hi sunt, sen
su præditi, & carentes sensu. Qui sensu carēt,
carent & spe sanitatis, nihil enim, cui sanitas
inniti ac super extrui possit, habent. Quis
enim marmor vel gypso spiritum uitalem
inspiret? De hoc igitur frustra laborandum
non est. Alter uero, quia durus est, remollitio
nem, quia res præternaturalis est, exolutio
nē poscit. Remollitionem ex medullis & adi
pibus comparabis. in medullis præstantissi
ma est ceruina, dehinc vitulina. in adipibus,
anserinus, in genere uolatilium, in quadrupe
dum genere leoninus: post hos in uolatilium
adipibus gallinaceus, in quadrupedum par
di adeps: dehinc uero ursinus, & taurinus. His
igitur pinguibus, uel horum aliquo scirrhus
illinitor. Illud uero seligitur quod scirrho
& naturali corporis uel mollitudini, uel du
ritiei idonea proportione correspōdet. Quòd
si uti maiore uti oportet, aliquid ex malacticis
adiicitor; talia autem sunt quæ sub sole fundi

possunt, scilicet ammoniacum, bdellium, myrrha, opoponax. Miscentur hæc aduersus scirrhos pinguibus, scilicet oleis, adipibus, & medullis, quò simul tumor, & remolliatur, & in halitum digeratur. Verum si durities probè sit remollita, possunt ex solo aceto & solui, & illiniri. Atqui si durus tumor nerueam musculi partem uel articulum aliquem obsideat, tunc maiore uirum remollientium, & digerentium uti est opus. Primum igitur tumor ille durus pingui perfusione præparetur, pingue illud oleum tenue esto, quale est sabinum, uel id in quo uiride anethum sit incoctum, uel origanum, uel serpillum. dehinc membrum densò linteò opertum ex ignito lapide pyrite, aceto acerrimo super asperso suffiatur. interea membrum sese inflectat, erigat, nullum motum non tentet. ad hunc enim modum commodè liquefcit tumor. dehinc uero appposito aliquo ex medicamentis, quorum superius fecimus mentionem, discutitur atque euanescit.

Dicebamus supra cum de abscessu agebatur, quòd si materia abscessus inguinum, uel pudendorum ita naturam superet, ut ipsa materia retrocedat, & per corpus spargatur uniuersum, viscera & reliquæ corporis partes hoc contagio morbi gallici inficiuntur. De hoc igitur inquinamento nunc agendum.

Quamobrē si delitescente abscessu scapulæ ingrauescant, si iugula & summi humeri dolitent, ingruit suspitio non contemnenda gallicum morbum iam totum corpus occupasse. Quòd si præterea fauces rubeant, tumeantq̄, iam non suspitio solum instat, sed certa fides, certus euentus rei. Grauitas igitur scapularum, quæ ex genere est lassitudinum, & faucium rubor & tumor, & iugulorum dolor, corpus excrementosum esse ostendunt. Quamobrem consideranda est præterita viuendi ratio hominis laborantis, in cibis, in portionibus, in ocio, in labore, in animi affectibus, in vigiliis, in somno, in corporis excrementis, siue præter consuetudinem uel expurgatis, uel retentis, uel etiam secundum morem excretis. Quæ omnia si corpus excrementosum esse ostendunt, spectandæ urinx certissimum quidem indicium eorum excrementorum, quæ intus sunt in uenis. Insuper habenda est ratio temperaturæ præsentis, siue sit naturalis, siue sit acquisita, ætatis, habitus, & qualitatis aeris ambientis; quæ unà cum urinis indicabunt, qualia & quæ sint corporis excrementa, Num scilicet ex genere bilis utriusq̄, an ex genere pituitæ, item num tenuia, num uero crassa, num etiam glutinosa, an glutinositate carentia. Cruda autem esse nemo

est qui ambigat. Non enim morbi promouē-
 tur à cocta materia, sed à cruda. Languens per
 ætatem uigeat, habitu gracili & hirto, aer am-
 biens sit calidus siccusq̃, tempus uero æsti-
 uum. urina sit abunde flaua, pauca, tenuis, &
 acer valde, nihil continens. Ex his liquet ma-
 teriam esse bilem flauam, calidam, tenuemq̃
 & acrem. Hic nimirum omni ratione, idest
 per viuendi rationem, & per medicamenta
 postulat se refrigerari, & humectari. Versetur
 igitur in aere frigido humidoq̃, irā, uigilias,
 & labores uitet, ac sicut singulis diebus cibū
 capit, ita & communia excernat excrementa,
 stercora, lotiaq̃. Quod uero natura non fece-
 rit, tu potionibus, & his quæ mandi possunt,
 & sublutionibus, & glādibus extimulato. Ci-
 bi frigidi sunt humidicq̃. panes primum ex
 triticea farina bene munda cum modico fer-
 mento, modicè cocti, sine salibus. uescatur fri-
 gidis holeribus, ptissana hordeacea cum oleo,
 aceto, & sale non immodicis. Nam illud qui-
 dem si modum excesserit, cibus supernatat, &
 nidorulentas eructationes mouet. acetum ue-
 ro si immodicum sit, ptissanam acescere facit,
 quod vitium sibi ferè est peculiare. sales autē
 immodici siccant nimis, nimisq̃ adstringunt.
 Vescatur & saxatilibus piscibus, qui ex infir-
 mo aceto, vel ex vnæ acerbæ succo condian-

tur. Bellaria sunt lactucæ cauli, capita papa-
ueri albi, intubi, sem. melonum & coriandro-
rum & cucurbitæ & melones, omnia ex
candidissimo sacchare condita. Vinum al-
bum esto, tenue, & aquosum, minime uetus.
Nunc vero ad medicamenta descendamus.
In medicamentis ea refrigerant & humectant,
de quibus supra cum pudendorum & ingui-
num phlegmones curationem tractabamus:
eadem quia etiam bonam aluum faciebant,
huic nostro negotio inseruient, conferentq̃.
Idonea etiam erunt quæ ex rosis, quæq̃ ex uio-
lis & sacchare apparantur: Immo & illa con-
fectio, quam $\delta\iota\alpha\ \rho\acute{o}\delta\omega\nu$ Græci uocant, nec non
ea, quæ à tribus sandalis nomen est adepta.
Interim vero dum per hanc uiuendi formam
& per hæc & eis similia corpus & humores
immutantur, urinae spectentur diebus singu-
lis. Quæ cum prius essent admodum flauæ, &
tenues, & valde acres, nihilq̃ in sese haberent,
& pauca essent, nunc maiore copia mingan-
tur cum substantia nonnihil crasfiore, minus
acri, colore hebetiore, cum quadam tenui nu-
becula inæquali, & rubra. Hæc ubi primum
apparent, indicia sunt obscuræ cuiusdam co-
ctionis. Tu nihilominus prædictorum medi-
camentorum vel similium usum non desere,
sed numero dierum & syruporum spreto, uri-
nas,

nas, quæ tibi tandem exactam excremento-
rum coctionem ostendent, obseruato. Hæ au-
tem, ubi mediocritatem fuerint assequutæ in
substantia, in quantitate, & colore, & nubecu-
la, quæ aliàs rubra erat, & inæqualis, & te-
nuis, nunc modice crassa apparet, albaq̄, & le-
nis, & æqualis: spectato, quò natura tentans
excrementorum purgationem, ea ipsa excre-
mēta inclinet, num scilicet ad uesicam, num
ad os ventriculi vomitum factura, num vero
ad aluū, num ad cutē, vel pustulas, (id quod
tamen uix accidere posse crediderim, si affa-
tīm cocta sunt excremēta), vel sudores euoca-
tura. Quicquid autem horum tentet, tu eius
operi inseruito, & opitulator. Nam unde-
cunque natura natura repit &c. Si igitur mo-
ueat ad uesicam, medicamentis quæ urinam
cieant admisceto, scilicet vel erysimum, vel
asarum, vel calamum aromaticum, vel origa-
num, vel thymum, vel pulegium, vel thym-
bram; vel aliud ex cōsimilibus potestate: Sin
ad os ventriculi, fauces vel digitis vel penna
oleo madente stimulado, sit vero vel nardinū,
vel cyprinum, vel irinum: Verum si ad cutē:
tu ipsam rarefacientibus, & detergentibus,
præparato. rarefacies leuibus frictionibus
ex pingui aliquo, quod tenue sit, quale est oleū
fabinum, chamemelinum, & anethinum: qui-

D

bus si mel addideris, simul & rarefacies, & detergebis. adduc uero magis, si addideris Terebinthinam, uel oleū abiegnum. Quod si adhuc vehementius detergere & euocare uolueris, cum oportunis pulueribus perfricatio. Tales sunt ostrearum & bucinarū & purpurarum testæ in tenuē pollinē redactæ. Sulphur uero hac facultate, ita excellit, ut cum uetere oleo, uel melle, uel terebinthina scabies & lepras, & lichenas non infrequenter sanet eiuscemodi enim affectus abstergit, materiarum autem ipsarum nihil pellit in ima corporis, id quod ex eiusce generis medicamentis non pauca facere consueuere. Eadem pollent potestate sales usti, & nitrum, & aphonitru, & spuma nitri. Atqui alcyonia omnia detergant, & excutiunt quidem, asperitatem enim omnia in sese habent. uerum illud quod asperum nuncupatur, leue quidem est in superficie, asperum tamen est intus, calidissimum uero est omnium, ut etiam exurere pilos queat. quocirca aliis mitioribus utimur aduersus lepras, & uirilignes, & scabies, & lichenas. sed asperum alcyonium cutem non solum detergit, uerum etiam abradit, ulceratq̄. milesium uero alcyonium, quod uermibus persimile est figura, & colore rubens, molle est consistencia, & omnium tenuissimum. quocirca

ipso usto cum pingui aliquo, ad cutem deter-
 gendam, & superfluitates euocandas uti pos-
 sumus magna securitate. Tu uero pro quanti-
 tate & modo substantiæ humoris euocandi
 mitioribus & uehementioribus uti potes. Ve-
 rum interim, dum cutis apparatus, potioni-
 bus et medicamentis quæ manduntur, aliqua
 sunt admiscenda ex his, quæ sudores mouēt:
 cuiusmodi sunt cyminum, anisum, serpyll-
 lum, polium, sisymbrium, costus, dictamum,
 & quæcunq; alia impetu sui caloris ad cutem
 pellunt. Quod si natura ad aluum mouet, tu
 medicamentis purgatoriis, quæ bilem flauam
 purgent, opitulator. Sunt uero ex simplici-
 bus coma Absinthii, cuius decoctum & infu-
 sum dantur ab unciis quinque ad octo, pulue-
 ris ipsius à drachmis duabus ad tres, succi à
 drachmis tribus ad quatuor. Item Rosæ, qua-
 rum succus cum sacchare ab uncia una usque
 ad duas propinatur. Syrupus autem factus
 cum succo, ab unciis duabus usque ad quinque.
 Iræ & Violæ. quarum decoctum & infusum
 datur ab unciis quatuor ad octo, succus uero
 ab uncia una usque ad duas, syrupus autem
 ab unciis duabus usque ad quatuor, conditū
 uero ab uncia una & semisse usque ad tres.
 Manna præterea, quæ datur à drachmis sex
 usque ad quindecim. Adhuc uero & Myro-

D ii

balani lutei, qui triti dantur à drachmis dua-
bus vsque ad quinç, eorum vero infusum à
drachmis quinç usque ad uiginti . Sūt præte-
rea & Tamarindi, qui dantur ab unciis dua-
bus usque ad quinque. Quin & Lactis serū,
quod ab unciis sex ad libram propinatur.
Hæc uero exiguam uim habent : Maiorem
Rha barbaricum, cuius infusum datur à drach-
mis duabus & semisse usq; ad decē, eius uero
contusum ab drachma una ad quatuor : Ad-
huc uero maiorem Scāmonium, quod à gra-
nis quinç vsque ad duodecim dari potest. In
cōpositis Electuarium de Psyllio , Electuariū
Rosatum Mesues . Electuariū Diacidoniten,
Infusio rosarum, quam Syrupum rosatum so-
lutium uocant , et Electuariū succi rosarum
Nicolai. Habita igitur ratione temperaturæ,
& ætatis, & habitus, & morum hominis labo-
rantis, insuper & qualitatis aeris ambientis,
& temporis anni, & status cæli , nec non hu-
morum quantitatis, adhuc uero & loci , de
quo sunt trahendi, medicamenta tibi siue sim-
plicia, siue composita seligito . Verum si exu-
perat pituita, cruda est illa quidem in morbi
initio, sicut de flaua bile dicebamus. Est igitur
vel aquosa nimis seri instar, vel crassa, vel etiā
glutinosa. Illa calefieri postulat, quò inter ca-
lesciendum , resoluta aquea sui parte, resi-

duum ad substantiæ mediocritaten reduca-
 tur; Hæc non calefieri solum, verum & deter-
 geri, & secari, diuidiçq;. Calefaciunt, sicut de re
 frigerantibus dicebamus, & oportuna viuen-
 di ratio, & medicamenta, siue mansa, siue epo-
 ta, siue apposita. Statuamus igitur mulierem
 adolescentulam, colore candidam, pinguem,
 tactu mollem, glabram, ocio indulgētem, me-
 dio hyeme & eodem frigido, euanescente abs-
 cessu vel pudendorum vel inguinum, sensis-
 se in scapulis grauitatem, summis humeris, &
 iugulis indoluisse, uixçq; præ rumore faucium
 deglutire, & iam cæpisse rauescere. quis vl-
 tro hanc morbo gallico inquinatam esse du-
 bitabit? nemo quidem. His signis apparenti-
 bus ego sanè ipsam & morbo gallico in-
 natam, præterea per sexum, per ætatem, colo-
 rem, pinguitudinem, tactus mollitiem, cutis le-
 uitatem, demum per ocium, cui indulsit, etiam
 excrementosam esse coniectabor. Quod si
 præterea meierit aquosum, tenue, nihil in sese
 vel sedimenti, vel suspensi, vel nubeculæ con-
 tinens: iam non solum & morbo gallico in-
 quinatam, & excrementosam esse, sed etiam
 oculata fide credidero, in ea serosam exubera-
 re pituitam. sin vrina alba sit & crassa, & con-
 tineat vel nubeculam, vel rem suspensam cras-
 sam, obscurā, vix solubilem: opinabor pitui

D iii

tam crassam & viscidam exuberare. ambæ,
quia crudæ sunt, coctionem indicant: illa per
unicam calefaciendi facultatem: hæc per hanc
ipsam, & per facultatem detergendi, scilicet
per ea, quæ suapte natura caliditatem ac redini
associatam habuere. In ratione victus, sexus,
temperatura, & mores, non calefacientium
sed frigidorum usum indicant. In morbis
enim, quæ consueta sunt, qualia sunt seruari
postulant, vt quæ sunt per naturam. seruan-
tur autem omnia per sui similia, sicut per sui
contraria submouentur. Quamobrem cum
hæc languens per sexum, et temperaturam, &
mores frigida sit, refrigerationem exposcit: at
per humorem exuberantem, idest per pitui-
tam, & per ætatem, & per qualitatem aeris
ambientis, & per anni tempus, et cæli statum,
se insigniter calefieri indicabit. Spectet igitur
victus ratio ad calidum, sed tanto minus, quã
to eadem indicatio sexui, temperamento na-
turali, & moribus languentis aduersatur. Cũ
igitur paria sint numero, quæ in victus ratio-
ne refrigerationem cum his, quæ calefactio-
nem indicant, mediocritas inter calefaciendum
& frigefaciendum seruanda venit. Quamob-
rem omnia ad mediocritatem spectent, Do-
mus, in qua habitat, cibi, & potus, exercitia,
somnia, animi affectus, nec non & quæ con-

sueta sunt singulis diebus expurgari, scilicet
 stercora, vrinæ, & quæcunq; per cutem dige-
 runtur. Ad hunc enim scopum intentus pote-
 ris omnia facile per teipsum reperire. Pariter
 vero & medicamenta ad temperatam calidi-
 tatem spectent, videlicet quæ sorbentur, que
 deuorantur, & quæ exterius apponuntur.
 Nunc vero modicam caliditatem habent, vr-
 ticæ semen & folia, anagallides vtræq;, dul-
 ces amygdalæ, glycyrrhizæ radix, oleæ radix,
 & ipsius maturus fructus, Eryngium, cicerbi-
 ta sicca, & iuncus odoratus, uulgo squinan-
 thum vocât. Potes horum aliqua & alia simi-
 lis facultatis ex aqua coquere, sacchar decocto
 addere, adhuc vero & passulas, & myxaria,
 vt simul cum moderata calefactione aluus le-
 niatur, & id languenti mulieri propinare. po-
 tes item potionē moderatæ caliditatis ex sim-
 plicibus contrariarum facultatum, scilicet ca-
 lidarum & frigidarum conficere, cui si aliqua
 addideris quæ bonam aluum faciant, sicut pas-
 sulas, glycyrrhizam, et palmulas, nihil vltius
 in huiuscemodi excrementoso affectu pote-
 ris desiderare. Hac methodo Ioannes Mesue
 suum syrupum, quem acetosum diarodon ap-
 pellauit, et syrupum de hysso cōposuit, qui
 in hoc genere excrementorum sunt peropor-
 tuni, ad quorum exemplum poteris alios tibi

D iiii

comparare. In his vero quæ mandi possunt,
ex usu essent conseruæ boraginis, & buglosi,
item mel rosatum cum foliis. Nostro autem
proposito conueniret confectionem quæ à
rosis Diarodō appellatur cum pari portione
aromatici rotati, commiscere. Hæc enim iua
re possunt crudæ pituitæ coctionem, nec pos
sunt immodicum calorem excitare. Viscera
vero, quorum vires necessariae sunt succis cō
coquendis, hoc est ventriculus & iecur, cum
moderatè calidis, modicèq; adstringentibus
foueri possunt. hoc est cum absinthii coma, et
sicca menta æquis portionibus, addita ambo
rum quantitate ex rosis siccis. Hæc super te
gula subignita calefiant, atque interim asper
gantur vino tenui, odoro, & moderatè ad
stringente, & illis ipsis visceribus apponan
tur. Interea dum hæc aguntur, numerum die
rum, quibus illis medicamentis usus fueris,
minime computato, id quod faciunt pleriq;
nostrates medici, & nihilominus apud rudem
vulgum sunt illustres: sed vrinas per singu
los dies contemplator, quæ vbi tandem me
diocritatem habuerint, prout decet in exube
rantia pituitæ, scilicet in modo substantiæ &
in colore, & in his quæ continentur, purgatio
nis iam quidem instat tempus. Quamobrem
obseruato quò natura hunc pituitosum suc

cum expurgatura dirigat, atque inclinet, scilicet, vt de bile flaua dicebamus, num ad os ventriculi, num ad aluum, num ad vesicam, num vero ad cutem. & ad quancuncq; harum partium mouerit, ipsam iuuato, vt superius didicisti. Nunc igitur de vomitu, de cute preparanda, & sudoribus euocandis, deq; cienda vrina, nihil differemus, cum superius de his satis abunde dixerimus. Verum purgationem per aluum non licet silentio preterire, quoniam pro ratione purgandi humoris opus est medicamenta seligere. Purgant enim hæc bilem flauam, hæc pituitam tantum, hæc vero melancholiam, nec desunt quæ bina humorum genera, quæ vè omnia simul purgent. Trahunt enim pituitam in myrrobalanis, Cebuli, qui triti dantur à drachmis duabus ad quatuor. eorum vero infusum à quatuor drachmis usque ad decem, Item Emblici, & pariter Bellirici, qui triti exhibentur à drachma vna ad tres. infusum vero eorum ab drachmis tribus ad sex. Adhuc Hyssopus hortensis & montanus, quorū decoctio datur à drachmis quinque ad decem. puluis à duabus drachmis ad quatuor. & hæc quidem facilliter: Maiore autem vi Turbith, Is enim in puluerem redactus datur à drachma vna ad duas, eius vero decoctum à drachmis duabus ad qua.

tuor. Præterea & Agaricus, cuius puluis dari potest a drachma vna ad duas, decoctio à drachmis duabus ad quinque. Adhuc vero multo maiore vi purgat Agrestis cucurbita, quã Græci κολοκύνθη δ' α appellat, cuius substantia datur à caractis sex vsque ad decem, floris vero ipsius à drachma vna ad duas. Modus vero reliquorum dicetur paulo inferius cum de purgatione agemus humorum diuersorum. Præterea & Tithymalus, & Elateriũ, & granum Gnidiũ, & Cartami semen. Hæc de medicamentis simplicibus quę ducunt pituitam.

In cõpositis Picra Galeni simplicior primas habet, quia cum facilitate trahit pituitã, & humiditates crudas in visceribus attenuat & detergit & concoquit, immo & resoluit, flatus item discutit, & viscerum robur auget. Atqui purgat vehementius eundem humorẽ Hiera Hermetis, & Archigenis, insuper & medicamentum ex Palmulis, δ' ια' φοινίκων vocant. Potes iam per teipsum siue simplicibus purgatoriis pituitæ vti, siue ex eisdem composita comparare, siue vti compositis aliorũ, modo indicationes sumas cum ab humoris purgandi modo & substantia, tum à loco in quo residet, tum vero à viribus, & temperamento, & habitu, & ætate hominis laborantis, item à regione, & aeris qualitate, anni tempo

re &c. eadem vero tibi etiam modum medicamenti porrigendi, & temporis occasionem indicabunt. Verum affectus etiam hominis purgandi in purgationibus ipsis iuris non nihil habet. Aliqui enim ita affecti sunt, ut purgatoriam potionem sorbere nequeant, pillulas autem facile possint deglutire, uel etiam crasiores bolos. aliqui neque illud, neque hoc faciant, sed solidiora sacchare operata mandant, deuorentque. Tu ergo taliter affectorum habeto rationem, & pro ipsorum affectu medicamenta componito, ac suppeditato. Tempus vero iam est ut de exuberante melancholia differamus. Languens igitur iuuenis esto bene habitus, colore per naturam flauus, modice hirtus, uenas habeto latas. arteriarum pulsus per sanitatem magnos & fortes, modice celeres & frequentes, non molles non etiam duros; nunc uero paruos, infirmos, segnesque, & raros, immo iam etiam nonnihil duros. sic nunc praeter consuetudinem aluo astricta, sicca admodum deiiciat, & nidorulenta, et nigramingat tenuia, pellucida, acria, nihil in se habentia vel sedimenti, vel suspensi, vel nubis. Hic inquam medio uere, & eodem temperato, ex delitescente inguinum uel pudendorum abscessu grauitatem in scapulis iam aliquandiu sentire coeperit, indoluerit summis

humeris, iugulis, & sincipite, tumores duri
sincipit occuparint, hi ita inhæreant, vt calua
riæ impacti esse uideantur. Nos ex delitescen
tia abscessus inguinum, & scapularum graui
tate, ex dolore in summis humeris, & iugulis,
& sincipite, & ex tumoribus duris caluariæ
hærentibus ac ferè impactis, hominem opina
bimur gallico morbo laborare. Verum ex ho
minis ætate, & habitu, & colore naturali, &
temporis anni temperie, ad hæc ex pilorum
mediocritate, venarum amplitudine, pulsuū
naturalium bonitate, præsentium vero parui
tate, imbecillitate, duritie, ac segnitie: opinabi
mur non solum gallico morbo laborare,
sed etiam admodum & periculoso & sæuo.
In morbis enim magis periclitatur quicunq;
naturæ, ætati &c. Atqui ex alio præter mo
rem astricta, ex stercoreibus ficcis, tetris, ac ni
dorulentis, Item ex vrinarum tenuitate, per
spicuitate, & contentorum caritate, non du
bitamus melancholiam exuberare, & eandem
per vstionem a sui generis mediocritate reces
sisse. Ad mediocritatem igitur per sui contra
ria reduci debet, dehinc purgari. Contraria
sunt humiditas & frigiditas moderatæ; di
cimus moderatæ, quoniam hic languens per
naturalem temperaturam, ætatem, perq; cor
poris habitum naturalem, nulla eget mutatio

ne, sed sui tutela tantum, sed per humorem
 vstum, quo immodicè est refertus, postulat et
 frigesieri, & humectari: tantum scilicet, quan-
 tum à mediocritate bilis, succus hic declina-
 uit. Hæc vero & per viuendi rationem, &
 per medicamenta quæri debent. Verum quo-
 niam de his in ea parte, in qua de curatione
 calidæ præternaturalis intemperaturæ, & in
 curatione, siue præseruatione, quæ fit per pur-
 gationē bilis flauæ, satis loquuti sumus: nunc
 opus non est vt de victus ratione vel de me-
 dicamentis, quæ bilem vstam ad bilis medio-
 critatem reuocant, differamus. Sed nūc illud
 tantum debemus obseruare, vt tãto frigidio-
 ribus, & humidioribus victu & medicamen-
 tis vtamur, quanto bilis vsta, flaua bile cali-
 dior est sicciórque. Vrinæ vero sæpissimè con-
 templandæ. Hæc vbi mediocritatem prout li-
 cet in atræ bilis excessu adeptæ fuerint, in co-
 lore, in modo substantiæ, & in contentis: tunc
 statim purgationis ineunda ratio, & sedulo
 obseruanda est naturæ inclinatio ac propen-
 sio. Verum si natura succum hunc, siue ad cu-
 tem, siue ad uesicam dirigat, quomodo sibi sit
 opitulandum, superius, quantum negotio ex-
 pediebat, dictum fuit, nec opus nunc est vt ea-
 dem vel similia repetamus. Atqui si succum
 hunc ad os ventriculi moueat, idest si vomit-

tionem attentet, tametsi dixerimus quomodo vomitio sit proritanda, nihilominus huic tanto affectui, & naturæ hominis admodum contumaci, nostra quidem sententia, satisfactum non est. Extremis enim morbis extrema remedia sunt ex usu. Quocirca ad Elleborum confugiendum esse arbitramur. potest enim elleborus corpora permutare, temperaturam corrigere, & eandem iuniorem & fortionem reddere. Verum non omnia hominus corpora medicationem per elleborum ferre possunt. sed uiri quidem magis quam mulieres, & ex his ipsis quidem, qui per habitum sunt fortiores. Quamobrem qui effœminati sunt, & qui admodum sunt habitu pingues, vel etiam exiles, quiq; pectore sunt excarni, & longo collo, pueriq;, & senes, & qui admodum frigido sunt temperamento, quiq; bene habent, & sanguine abundant, & qui difficulter vomunt, tandem vero & qui animo sunt pusilli, nequeunt citra periculum ellebori usum ferre. Utendi vro tempus oportunum ver, dehinc autumnus: incōmoda sunt æstas & hiems, nisi magna vrget necessitas. Quocirca ubi vrget necessitas per elleborum minore noxa curari possunt hieme, qui admodum calido sunt temperamento, æstate vero senes. Cœli status oportunior iucundus, sere-

nus, calidusq;. Temporis occasio in morbis
 qui intermittunt, est ipsa morbi intermissio
 & quies. vbi vero nulla sit morbi intermis-
 sio, quæuis temporis occasio admitti potest.
 Atqui in quartanis, & in destillationibus ad
 intestina, ipsummet inuasionis tempus. Ve-
 rum, quoniam in hac ratione medendi per
 elleborum aliquod incommoda solent accide-
 re, scilicet vellicationes ventriculi, animi de-
 defectus, & conuulsiones: aliquibus remediis
 hoc genus medendi præoccupare est opus.
 Pro ventriculi vellicatione, aquam calidam,
 et frigidam prius parare oportet, & hyslopi de-
 coctum, vel mellis, vel rutæ, vel pulegii. Pro
 defectu animi, acetum, poma, panem cali-
 dum, vinum, tostas auiculas. Pro conuulsione,
 oleum commune, sicyonium, sales, chalbanem,
 castorium, cyprinum oleum, vel narcissinum,
 vel irinum, pennas, sternutatoria, varias cu-
 curbitulas, vehiculum, lecticam cum molli
 stragulo, præterea & clysterem. Atqui opti-
 mum elleborum nosse oportet, quod nostrum
 opus fœlix sit & faustum, nec frustra labore-
 mus, hominemq; inaniter torqueamus. Fe-
 stucas igitur admodum habeto multas, pen-
 dentes ab radice vna, easdem vero distentas
 paruasq;. quæ nec radices quidem habeant,
 nec in acutum desinant, caudæ muris instar,

Albus, intus cādidior, foris pallidior: Niger,
parte interna candidus, externa niger, plenus
sit vterq̄ & carnosus, vterq̄ friabilis, in fra-
ctiōne fumidum quiddam emittant, non pul-
uerem, qui enim puluerem ædunt, sapiunt
vetustatem, sit vterq̄ primum inter manden-
dum dulcis quodammodo, deinde modice
acer, postremo feruidus, & multam saliuam
proliciat, vere uellantur, radice adduc præ-
gnante. Hæc de ellebori bonitate. Verum
quoniam nō omnes qui elleborum sunt sum-
pturi, ad ipsius purgationē probe sunt com-
parati, sed aliqui sunt, qui facilè quidem vo-
mant, aliqui vero qui difficulter, & istos qui-
dem antequā ad elleborum ducantur, præ-
parare oportet. At duplici ratione præpara-
tur, vna per humectationem solidarum cor-
poris partium, alia per vomitoria elleboro
mitiora. Humectantur solidæ partes duplici-
ter, scilicet si pluri cibo, & quiete præoccu-
pēt ellebori potionem. Iuxta illud, Ad ellebo-
ros qui non facile supra purgantur, &c. Qui
igitur difficulter vomunt, & elleborum sunt
sumpturi, per aliquot dies otio indulgeant,
ne alimenta quibus solidæ partes humecta-
ri debent, per corporis motus liquecant, in
halitum digerantur & euanescant. Interim ve-
scantur pluri cibo, & omni medicamentosa
qua

33

qualitate experte, acerba, acri, saluginosa, de-
niq̄ & amara. deinceps mitioribus medica-
mentis vomitus proritetur. Sunt igitur me-
dicamenta non acerba, non sicca, sed vel dul-
cia potius, uel acria. In his enim primas habēt
raphanus, eruca, & vetus falsamentum: In
illis autem prissana cum melle, carnes pingues,
& dulces amygdalæ, & semina cucumeris, &
peponum melle macerata. In his vero, quæ eli-
xantur, non iuscula solum sorbere oportet,
sed totam ipsam molem & sorbere & man-
ducare, neque in mandendo diutius immora-
ri. ad hunc enim modum minus in ventricu-
lo conficiuntur, & facilius euomuntur. Vina
sunt dulcia, & actu tepida, quæ enim talia
sunt, in ventriculo fluitant, & summa petūt.
Verum & hoc optimum fuerit vomitu pro-
liciendo. sumito decocti raphani, & aquæ in
qua caricæ fuerint maceratæ, pares portiones,
hæc tepida non exigua quantitate potanda
porrigitō ieiuno homini, ut euomat ante ci-
bum, & ut euomere facilius à cibo possit. esto
vero raphanus acer valde. Hunc item in te-
nuia frustra secare potes, deinde integram no-
stem in aceto & melle macerare, postmodum
multum ipsius deuorare, & per exigua tem-
poris interualla non nihil eius aceti mulsi su-
perforbere. deinceps duas horas leniter in-

E

ambulare, postremo multa tepida aqua epota digitis vel penna oleo intincta vomitum proritare. Vbi vero per hæc ventriculum vomitionibus assuefeceris, tandem tres dies saltem à carnibus abstineto, nec non ab aliis edulibus & potibus, quibus gignitur crassus succus. Hæc vero de præparatione ad elleborum. Nunc de differentiis exhibendi agendum. Modus autem simplicior præbendi elleborum, qui potius apparatus ad elleborum dici debet, quam modus ellebori exhibendi, est huiusmodi. Sumuntur raphani, & stimulis arundineis punguntur, postea optimi ellebori festucæ foraminibus illis infiguntur, in quibus ubi integram noctem manserint, festucis amotis, raphanus in frustra secatur, & ex aceto mulso deuoratur, dehinc languens ad duas horas uomitum proritet siue digitis siue penna. atqui obseruandum est, nequa ellebori frustula in raphano relinquuntur. sunt autem ellebori festucæ à drachmis duabus ad sex pro virium languentis ratione, & corporis apparatus. Superfunt tres alii modi præbendi elleborum. sunt enim qui infusum eius propinant, sunt qui decoctum, sunt vero etiam qui substantiam ipsius præbent, & horum alii qui forficibus sectum, alii vero contusum & cribratum. Qui in tenues partes sectus

porrigitur, cito purgare incipit, ut in summa post horas binas, & citra multam vellicationem purgat vtrancq; bilem & pituitam, & ipse quidem in spatio quatuor aut quinque horarum, vomitione vna cum humoribus expurgatus, finem purgationi imponit. Qui vero contusus & cribratus in tenuem pollinem est versus, tardè admodum opus purgandi inuadit, vt saepe etiam vltra quatuor vel etiã quinque horas auspicietur. Ducit & is omne genus bilis & pituitæ, & periculum conuulsionis affert, nec non immodicæ purgationis: at multo maiore vtilitate purgationem in longum profert. Datur infusum ellebori senibus & pueris, & his qui fluido sunt habitu, & qui morbo non admodum difficili detinentur. Oportet autẽ ellebori drachmas quinque ex aquæ pluuiialis hemina media irrigare, sine re per tres dies, dehinc colare: vbi colaue- ris, & calefeceris, totum propinare: semper ra- men animaduertere, vt modus infusi propor- tione respondeat uiribus ægrotantis, & quan- titati, & substantiæ humoris expurgandi. De- coctum uero datur & illis & robustionibus quàm sint illi. apparatus autem in hunc mo- dum. Sumuntur ellebori optimi vnciæ binæ, aquæ pluuiialis hemina, in ea quinque dies maceratur, dehinc coquitur in mitioribus pru-

nis ad tertiam aquæ partem, postea elleborus
inter colandum exprimitur, decocto æqua
pars despumati mellis adiicitur, postmodum
ad mellis crassitudinem coquitur. datur sor-
bendum sub magni cochlearis mensura, vel
ad summum cochlearium duum. potest & cū
aqua calida, & cum alia sorbitione permisce-
ri. Aeger vero prius vomitionibus insueue-
rit, sicut superius dictum fuit, ieiunus sit, præ-
assumptos cibos probè coxerit, alui excremē-
ta siue sponte, siue per infusum clysterem de-
iecerit. Propinatus in hunc modum, neq; con-
uulsiones, neque contractiones, neque immo-
dicam purgationem facit, efficitq; vt medi-
cus, & languens de vteriori irritatione medi-
tentur: ut is sectum etiam porrigere, hic sume-
re nō diffidat. Sectus autem elleborus, et his,
qui maiore auxiliorum momento, maioreq;
superfluitatum excussione, quàm superiores
opus habent, fortionibusq; & audacioribus,
& his qui facilius uomunt, dandus. At contu-
sus & tenuissimo cribro excussus, adhuc istis
ipsis vel audacioribus, vel qui plus eiusce ge-
neris medicationi insueuere, est porrigendus.
Sectus apparatus in hūc modum. sumuntur
festucarum optimi ellebori drachmæ binæ,
vel ad summum binæ cum dimidia, forfici-
bus secantur in frustula selami magnitudine.

quod puluerulentū est, ex linteis excutitur, ne languens suffocari periclitetur, nimis enim effricax, dehinc fragmenta tenuia detrahantur, suffocationē enim & hæc ipsa afferre possunt. residuum ubi in succum vel ptisanā, vel halicē coxeris, edēdū porrigito. postmodū ne quod ellebori vel in faucibus, uel in gula relinquatur, aliquid uel mulsæ aquæ, uel puræ potillato. Ea uero pars secti ellebori, quæ substantiam habet farinæ crassioris, ubi in mortario cōtusa fuerit, pōdere drachmæ unius & duorum obolorum ad summum, cribrata tenuissimo cribro, & parte eius tenuissima detracta, datur ex halica, scilicet id quod est in ipsa solidius, pleniusq̄. Quod uero tenue est, iterum contundimus, & diligenter cribramus. dehinc ex melle præcocto & solidissimo in pilulas reformamus, et deglutiēdas porrigimus.

Mos uero est antiquorum his qui à potione huius medicamenti facile purgantur, aquā frigidam sorbendam dare, dehinc iubere ut olfaciant ad uirium consolationem, odorata. Dormiant, uel decumbant, uel statim duabus horis per quietē orientur, ne citius quam decet medicamentum euomatur, post hæc autem moueri iubent. Vomiturī primo caliditatem excipiunt in uentriculi ore, atque in gargareone, ipsis deinde os salua perhume

E iii

scit. postea uero euomunt cibi aliquid & me-
dicamenti unà cum pituita, posthæc pitui-
tam & bilem, atque aliquid medicamenti, de
inceps bilem puram. sæpe uero & uenter sub-
ducitur, singultiunt autem leuiter, & si tole-
rabilior sit purgatio, & facies perubescit.
Quòd si purgatio faciliter cedit, facies probè
coloratur, & singultus cessat. Verum enim ve-
ro si in media purgatione singultiunt, tu mul-
sam vel rutæ decoctum vel aquam tepidam
propinato. purgatione expleta, lauatur, cibū
præterea sumito. Quòd si purgatio in lon-
gum proferatur, mulsam calidam ruta inco-
cta sorbendam dato, vel aquam oleo mixtam
ὕδρ' ἐλαίου Græci vocant. dehinc penna oleo
intincta vel cyprino, vel irino uomitionem
proritato, & recumbens in pensili lectica di-
mouetur. Quòd si magna cum perturbatio-
ne suffocationis metus instet, infusionis elle-
bori cyathos tres propinato, quam etiam pa-
ratam habere oportet. sua enim qualitate pur-
gationi opitulatur. Verum si neque hac po-
tione suffocationis periculum amouetur,
acerrimo clysteri uacuato. Dato uero & ipsis
chalbanes obolos tres, non ad uomitionem
excitandam, sed ad periculum suffocationis
amouendum. Interim dum in pensili lecti-
ca nullo non tempore dimouetur, & dum pé

na vomitionem proritare non desinit, forti
sternutatorio etiam uti præcipito. Mitescit
autem singultus purgatione accedente, sicuti
dictum fuit. Atqui si adhuc uehemens esse per
seueret, sternutatoriis instato, & cucurbitulis
vtritor secundum totam spinam, ac præser-
tim secundum magnas vertebrae transversæ
septi. Nam cucurbitulæ immorantes, os ven-
triculi ab singultu contractum, & quasi obli-
quatum dirigunt nō infrequenter. Præterea
partes extremas corporis uincito, cōtractato,
& in frigidam aquam demittito.

Verum quoniam ex purgatione per elle-
borum sæpe accidit ut crura & manus contra-
hantur, sunt hi quidem leniendi multa pin-
guitudine, multa insuper palpatione, frica-
tione & fotu non partium extremarum tan-
tum, verum etiam & musculorum qui sunt
in suris. Illinantur igitur oleo dulci, uel ficyo-
nio, uel aliquo ex medicamentis quæ lasitu-
dines sedant, ἀνοπᾶ Græci appellant. Adiicia-
tur illitionibus castorium, & potandum por-
rigatur. Iuuat uero ipsos balneum in primis,
si ipsius facultas suppetat: sin minus, solium.
Totum igitur corpus, ac præsertim contra-
ctæ partes multo oleo dulci inungantur. aqua
esto bene temperata ut in ea diutius immo-
rari possit, sic enim conuulsiones sedabuntur.

E i i i i

tuncq̄ statim panem in diluto uino macera-
tum languenti porrigito, uel immixto ex suc-
co uixæ acerbæ & melle, ὀμφακόμελι uocant
exhibeto, scilicet si uehementer sit purgatus.
Quod si à cibo calorem in ore uentriculi per-
sentiscat, ὀμφακόμελι calida aqua temperatum
ægroto potandum porrgito: dehinc uero se-
cundo, si opus fuerit, ex aqua frigida tempe-
ratum. exinde uero alimenta sunt boni succi.
vina uero & tenuia & uetera. Hæc uero de
præparatione ellebori, & de modis exhiben-
di satis sunt. superest nunc ut exponamus
q̄bus in morbis sit ex usu, q̄bus uero minime.

Elleborus igitur in diuturnis morbis, &
uehementibus est ex usu, & his qui ab aliis
medicamentis nihil opis susceperere, scilicet la-
borantibus aqua intercutem, elephanticis,
male habitis, iandiu resolutis, comitialibus
& melancholicis morbis, & arthriticis, & po-
dagricis. Sed longum esset omnes morbos, qui
bus elleborus prodest, enarrare, nec præ co-
pia quis facile id præstare posset. At non mi-
nori utilitate morbi, quibus elleborus nocere
posset, forent recensendi. In his sunt sangui-
nis reiectatio, spiritus difficultas cum suffoca-
tionis metu, suspecta oculorum suffusio, affe-
ctus, qui ad caput tantum spectant, & horum
maxime qui per temporum interstitia cum

faciei rubore uiolentos dolores ferunt, præ-
 terea & suffocationes uterinæ, & frequentes
 animi defectiones, & vasorum distentiones.

Iam de purgatione bilis atræ per uomitū
 satis à nobis dictum nunc est. superest modo
 ut de purgatione per aluum eiuscemodi hu-
 moris disseramus. Quamobrem si natura
 hunc humorem præcoctum ad aluum diri-
 gat, ipsam iuuare oportet purgatoriis medi-
 camentis, & eisdem oportunis. Sunt vero
 oportuna quæcunq; atram bilē respiciunt, &
 eius quantitatem, & locum unde promoue-
 tur, in super ægrotantis uires, ætatem, habi-
 tum &c. Multa vero sunt cum simplicia tum
 composita medicamenta, quæ bilem atram
 purgant. In simplicibus Myrabalani indi, La-
 ctis serum, Fumaria, siue Fumus terræ, Pule-
 gium, Tragoriganū, Parthenuiū, Alyssonq;.
 Hæc uero imbecilliora & mitiora. Vehemen-
 tiora autem Polypodium, trahit enim & pi-
 tuitam. lapis Armenius, folia & folliculi Se-
 næ. sed folia sunt efficaciora folliculis, Dicit
 Ioannes Mesue quicquid uelit, experientia
 contrarium probat. Experientia uero & ip-
 sa docet, quod præter atram bilem trahat se-
 cundo pituitam, grauem illam quidem, & nō
 nihil acrem, ut inde pondera sentiantur in
 imo uentre, & excitet tenasium idest inanē

cupiditatem egerendi. Hæc de simplicibus
medicamentis quæ atram bilem ducunt. Qua
vero arte ex simplicibus purgatoriis medica
mentis composita conficiantur, paulò infe
rius ostendemus, quando de exuberantia di
uersorum humorum differemus. Nunc com
posita, quæ atram bilem purgant, explicemus.
In his sunt utræq; cōfectiones Hamech, pillu
læ Indæ, pillule de lapide Lazuli, pillulæ de la
pide Armeno. Tu uero sumpta indicatione
ab humoris & substantia & quantitate, & à
loco unde purgari debet, & à languentis uiri
bus, ætate &c. quæ tibi medicamenti præscri
bunt quantitatem, utitor vel simplicibus, vel
compositis prout lubet. huic enim arti inni
tens, errores & infamiam apud doctos decli
nabis, & conscientia rei bene ac fæliciter ge
stæ ex animo iubilabis.

Verum si non vnum tantum humorum
genus exuberat, sed vel duo, vel simul omnia,
scilicet vel bilis flaua cum pituita, vel eadem
cum bile atra, vel cum atra bile pituita, vel hi
humores omnes simul; tunc vel vno simplici
purgatorio medicamento, quod singulis hu
moribus respondeat uti oportet, vel in vnū
simul diuersa commiscere.

In his autem quæ diuersos humores pur
gant, sunt Peplus, quem pharmacopolæ E su

lam rotundam uocant, & Peplion. ambo autem quoniam paribus facultatibus constant, simul recensentur, Nam eorum semina, & aliquando vnà cum germinibus siccata in umbra, contusaq; & cribrata, pondere scrupulorum quatuor data ex aqua mulsa, & super absorpta pauxilla quantitate aceti, post flauam bilem, bilem atram & pituitam ducunt, & disrumpunt flatus. quò fit ut affectibus flatuosus p̄sint, q̄ inícia sũt melācholix. Pro sunt etiam diuturnis inflātionibus lienis, uteri, & coli, & mollibus tumoribus ími ventris.

Polypodium atram bilem & pituitam purgat. datur radix eius pondere scrupulorum septem, vel minus prout vires ferũt. Verũ in diluta aqua mulsa prius macerari oportet. potest et super salsamentis abrasa ante prādiũ māducari. Purgat uero mediocriter & citra lesionẽ uel in iusculo gallinẽ uel in ptissana elixata.

Lapis Armenus atram bilem, & omnia quæ crassa & glutinosa s̄anguini commiscuntur, purgat. quamobrem datur pondere scrupulorum quatuor, vel plus vel minus pro virium modo, melancholicis & elephantiscis, & similibus.

Centaurium minus crassissimam bilem & mucosum purgat. quocirca potandum datur decoctum ipsius coxendicis, & lienosis, sunt

autem centaurii scrupuli septem, aquæ he-
mina. Coquitur vero ad dimidium.

Colocynthis pituitam & bilem & mucco-
res purgat. quare optimum medicamentum
est omnibus morbis qui difficulter excutiun-
tur, & qui quodammodo sunt scirrhusi. Da-
tur interioris partis ipsius quantitas duum
scrupulorum ex aquæ mulsæ cyathis duo-
bus: imbecillioribus autem quantitas vnus
tantum. Verum eligenda est quæ candida est
& mollis: sicca enim & nigricans, mala. atqui
contunditor & leuigator diligenter, sæpius
vero cribrator. ipsa vero, cum vti volueris, in
mortario omni cum diligentia ex aqua mul-
sa leuigator. Accidit enim vt vbi contusa fue-
rit, antequam irrigetur, tenuissima esse videa-
tur, cum vero in mulsâ maduerit, intumeat
valde, adeo vt qui eam uiderit, non satis fuis-
se cribratam suspicetur: quod si forte accide-
rit, hærent partes illæ quæ non probè ex mul-
sa fuerint leuigatæ, ventri aliquando, aliquan-
do ori ipsius, sed maxime quidem inuolutio-
nibus intestinorum: quo fit ut per sui acridi-
nem & mordacem qualitatem vlcèrent inte-
stina, & inferant nerueas passiones, scilicet tor-
mina & contractiones. Quamobrem opus est
ipsam summa cum attentione ex mulsâ aqua
leuigare. Verum si mitius purgare uolueris,

magnam colocynthida aperito. vbi aperta fuerit, quicquid seminū est, detrahito. dehinc reposita in ipsa sine seminibus lanuginosa parte, ipsam impleto vel passo, vel vetere & dulci vino, sicq; finito diem & noctem irrigari. posthac vinum linteo percolatum, & calefactum, bibendum dato. optimè enim arquatos purgat, nec non eos, qui per summa corporis pustulas habent liuidas, & eminentes.

Tithymalus omnis pituitam et bilē trahit. dantur vero ipsius ramusculi uirides, immo & paxillum in testaceo aliquo torrefacti, dehinc leuigati, & ad eum modum pondere scrupulorum quatuor trium uè in aqua cum farina cōmiscantur & potantur. siccati enim sunt infirmiores. Tu vero radicem eius tithymali qui Characias nūcupatur, vbi in vmbra sicca ueris, cum usus postulat, detractum corticem contusum & cribratum pondere scrupulorū quatuor in vino dulci & vetere integram diem & noctem maceratum, linteo percolato, postea nonnihil calefacito, & propinato, purgat id optime: ut sint qui ipso in omnibus, ut arcano remedio vtantur. Verum & Tithymali, qui iuxta aquam & in humidis locis, & syluosis producitur, liquor probè & sine noxa purgat, scilicet si farina vel sicco pane leuigato excipiat, deturq; ad magnitudinem nu

cis auellanæ. Eius vero liquoris guttæ quatuor quinqueuè dantur ab aliquibus, vel caricis vel farina exceptæ. Atqui epotus, linguam & vicinas partes uehementer exulcerat, & ventriculum incendit.

Elateriū bilē & pituitā purgat, datur obolis tribus cū hemina media lactis nuper mulcti.

Granum Cnidium purgat humores aqueos, & serofos, purgat uero etiam moderatè bilem, & pituitam. habet autem qualitatem igneam, & peracutam. Datur pars interna granorum triginta, ubi eam cum farina contuseris, & cum uino confuseris. Verum si leuius purgare uolueris, dato grana uel viginti uel quindecim. A potione parum olei rosa ceii superforbeto, scilicet ne fauces exurantur. at præstiterit leuigata ex melle cocto in pillulas conformare.

Agaricus purgat pituitam & bilem, at non acriter. Dantur huius drachmæ binæ cum aqua mulsa uel aceto mulso. & ori uentriculi per leuitatem, cuius gratia innatat, officit.

Thymus pituitam & bilem abunde & sine noxa purgat. Cōtundūtur corymbi ipsius, & cribrantur, daturq; pōdere drachmarum quatuor trium uè cum modico sale & posca.

Rapum terre κυκλάμνον uocant græci, admodum probè contusum & leuigatum pon-

dere à granis quindecim ad mediam drachmam cum posca propinatur. succi uero eius à granis quindecim ad scrupulos quatuor. decocti uero radice ab vncia vna ad quatuor. Purgat id pituitam & bilem, & sudorem mouet. Eius autē proliciendi cum infrat necessitas, medicamento epoto lāguens in operis nature auxiliū decūbat, cooperiatur et foueatur.

Medicamenta simplicia recensuimus, quæ sigillatim priuatos ac peculiare humores purgare possunt, & adiecimus mensuram aut pondus quibus singula porriguntur: Vt inde sumpto initio methodum idest uiam & rationem apponamus, qua plura simul citra languentis lētionem possimus commiscere. Ad hęc uero miscenda compellimur, cum non vnam humoris speciem sed plures simul purgare oportet, nec suppetit medicamētū simplex, p̄ quod id cōmodè & citra noxam exequi ualeamus. tūc enim miscemus uel duo simul, uel tria, uel etiam plura pro uarietate humorum, qui purgari debent. Est & alia miscendorum medicamentorum necessitas eiusmodi. Habent ferè omnia medicamenta purgatoria insignem aliquam qualitatem, per quam uel gustandi sensum, uel tangendi, uel odorandi, lēdant. Harum uero singulis contraria admiscere oportet, quò infeste illę qualitates uel de medio tol-

lantur, vel minuantur, vel saltim fiant mitiores. Siquis igitur duos humores simul purgare velit, duo simplicia purgatoria medicamenta seligat, quorum alterutrum alterutro humori ex aduerso respōdeat. esto vero quātitas vtriusq̄, medietas vel ponderis vel mensuræ, sub quibus vtrunq̄ seorsim exhibebatur: sin tria sint miscenda, tertia pars eius, quod seorsim exhibebatur, admiscetor: sin quatuor, quarta pars singulorum: & hoc quidem, cum singuli humores æquo modo & exuberant, & egent purgatione. Vbi vero eorum aliquis cæteros quantitate excellit, sui medicamenti quantitas, cæterorum ac singulorum quantitatem ad proportionem opus est, vt excellat. Dehinc olidis & graue olentibus per suauiā & odorata, amaris per dulcia, acris per glutinosa, emplastica vocant, falsis per infusa, acerbis per matura, astringentibus per laxantia, laxantibus per astringentia repugnato. Ad hunc igitur modum ex simplicibus purgatoriis medicamentis cōposita, put vsus, & tēporis occasio postulabūt, apparato. Hęc de excremētōrū purgatione satis sunt.

Atqui solent vitiatī humores post purgationem pro sua ipsorum natura prauas aliquas intemperies relinquere siue in corpore vniuerso, siue in præcipuis ipsius partibus,
mem

membris vè : quæ nisi per contraria amoveantur, de integro consimiles humores vel etiam deteriores generabunt congerentq̃. Harum igitur singulas, singulis contrariis corrigere atque fugare oportet : calidas frigidis, frigidas calidis, humidis siccis, siccis humidis, & compositis compositas opponendum . At quousq̃ immutare oportet, naturalis temperatura si adhuc manet, indicabit, sin abiit naturalis, & alia ex consuetudine viuendi in ipsius locum subiit, hæc pariter atq̃ illa in morbis se tueri, atque seruari ostendet, cupietq̃.

Verum dicebamus supra fieri aliquando vt ex præternaturalibus intemperaturis vna in aliam mutaretur, calida in frigidam, frigida in humidam, humida in siccam. statuamus igitur calidam intemperaturam, quam initiũ morbi huius esse dicebamus, per improbam curationem tempore digerendis sanguine & spiritibus in frigidam degenerasse, hanc vero cruditatibus cumulandis humidam secum associasse, vt iam non frigida sit solum, sed frigida simul humidaq̃, corpus quantum per humores congruebat, purgatum esse, scilicet vel per vrinas, vel sudorem, vel alui purgationem, vel vomitionem, etiam per elleborum si opus fuerit, demum adhuc frigidam & humidam intemperaturam in similibus ac sim

F

plicibus partibus vna cum improba qualitate gallici morbi derelictam esse. quod remedium quæso ad hunc modum præparatū magis conducibile quàm decoctum Indici ligni poterit reperiri: nullum ferè mea sententia. Indicum enim lignum calefaciendi & ficcandi vires habet. Hæc sensus indicant. Siquidè decoctum ipsius ore retentum, os & fauces calefacit: gargarizatum in primis per acredinem saliuam prolicet, dehinc absumit, vt etiã affectui gulæ, quem Græci *σιαλισμόν* vocant, opem ferat. subscribunt sapor amarus et acer, & odor non obscurus. Lignum hoc resinam exudat, cuius gratia remollit, maturat, digeritq̃. vt inde quidem, pro corporum præparatione, & naturæ propensione, aliquando aluum lenire possit, aliquando vrinam, sudorem vero aliquando moueat, cieat vè. Nutrire autem sensibilibiter posse haud crediderim, tametsi medici quidam non contemnendi id affirmant. Quid enim Indicum lignum habet dulcedinis, quæ communis est omnium quæ nutrire possunt: sine qua nihil nutrit. quicquid enim nutrit, dulce est plus, minus vè. Quòd si quis dicat Indicum lignum particeps esse dulcedinis, & ad proportionem ipsius nutrire posse: Nos statim linguam, quæ est gustus instrumentum, appellabimus. Ha-

bet enim potestatem quæ similia sunt, quæq̄
 dissimilia sunt discernendi: vt inde naturas
 rerum cognoscens, quæ familiaria sunt eligat,
 aliena vero respuat. Mirabor si vnum ex mil
 libus per integram & inculpatam sanitatem
 quis inuenerit, qui gustato Indici ligni deco
 cto meraco & sincero, se dulcedinem qualem
 cunq̄ persentire affirmet. Hæc de viribus ip
 sius. nunc de eius bonitate.

Habet lignum Indicum suam bonitatem
 maxime ab ætate. Aetatem autem indicant
 grauitas, color, dēsitās, odor, et sapor. Demus
 igitur Indicę arbori ab sua radice excise, sicut
 & cæteris lignis, humiditates quatuor. Vnam
 crudam & aqueam, temere per ipsam fluitan
 tem, quam nuper excisa aliquandiu habet,
 seruatq̄. Alteram coctam, & per suum ipsius
 corpus singulis partibus distributam, & ferè
 substantiæ arboris assimilata, atq̄ vnita. Ha
 bet tertiam, quæ substantifica pars est ipsius
 plantæ, cæteris partibus assimilata iam, at
 que vnita. Habet & quartam, quæ arboris
 partes mutuò continuat, & continuatas ser
 uat. Prima humiditas ea est, quam nuperri
 mè terra per arboris radices est impartita. Se
 cunda ea est, quam singulæ arboris partes pro
 similitudine, & conuenientia quam secum ha
 bent, maxime traxere ad sese, coxere, & ad sui

similitudinem ferè permutauere, sibiq; appo-
suere. Tertia illa est, quæ nuper trahebatur,
coquebatur, permutabatur & singulis parti-
bus arboris apponebatur. iam vero est tracta,
concocta, ad similitudinem earum partium
permutata, quibus antea apponebatur. & nunc
quidem substantifica, & propria & naturalis
est plantæ humiditas. Quarta vero, illa est hu-
miditas, quæ ligni partes mutuo continuat,
& continuatas tandiu seruat, quãdiu lignum
est lignum. Nunc vero ad proportionem ha-
rum humiditatum, demus Indico ligno æta-
tes. Aetatem quidem puerilem, quoad suæ ra-
dici hæret, & ab ea cibum capit. Adolescentiã,
ligno nuper à suo trunco exciso, in qua tan-
diu versetur, quàm diu viride est, & humidi-
tatem illam seruat crudam aqueam ve. hæc
quidem illa est humiditas, quam viride lignum
igni appositum ea parte qua excisum vel se-
ctum vel fractum est, multo cum strepitu ac
stridore emittit eumitq;. Iuuentutem demus
ligno, quando absumpta aquea humiditate,
retinet costam illam humiditatem, quæ ferè
est substantiæ ligni assimilata, atque unita.
Virilem ætatem, siue consistentem, siue ætatis
vigorem, liceat enim illam appellare prout
cuiq; placet, demus ligno, quando absumpta
iam humiditate illa cocta, & ferè assimilata,

atque unita, suam substantificam humiditatē
 integrā & illæsam seruat. Demus vero senie-
 ctam, quando absumpta penè substantifica hu-
 miditæ, lignum euanidum, & cariosum esse
 incipit. Aetatem vero decrepitam, quando iā
 temporis diuturnitate, in puluerē redigitur,
 & iam propè est vt desinat esse lignum.

Indicum igitur lignum optimum est & tan-
 diu esse perseuerat, quàm diu per ætatem vi-
 get, florem id ætatis vocant. tunc enim maxi-
 me densum, maximeq; ponderosum est, vt li-
 gnum ex sui ipsius substantia, non ex aliena
 humiditate esse potest. tuncq; maxime est per
 saporem acre, maximeq; subamarum. amaror
 enim, qui antea per acerbicatem vigeat, nūc
 mitescit coctione, acredo autem exacuitur &
 inualefcit. nam caliditas quæ antea sub hu-
 miditatibus obscura erat, nunc prioribus il-
 lis duabus absumptis, detecta, ligni acredinem
 auget, minuit amarorem, & pinguitudinem
 ad ligni superficiem pellit, & in resinā cogit:
 vt etiam nunc magis resinofum esse videatur
 & fit, et eandem ob causam magis fit odorum
 luteumq;. Bonū vero est, quod in ætate est iu-
 uentutis, nonnihil tamen infirmatum sub hu-
 miditate, quæ nondum suum finem & com-
 plementū est adeptā. Nec caret bonitate, quod
 in ætate est adolescentiæ, sed superioribus ta-

men per aqueam, & crudam humiditatem in-
firmus, à qua fere' obruitur & suffocatur. His
omnibus adhuc infirmius, quod puerilem
ætatem agit, idest quod suæ radici adhuc hæ-
rens alimentum ueluti lac infantium instar,
de terra surgit. id enim humidissimum, & ea
ratione infirmissimum, non secus atque infan-
tes per ætatis humiditatem sensibus & ratio-
ne omnium infirmissimi sunt, omniumq; qua-
runcunque ætatum stupidissimi. Quod vero
per senilem ætatem iam exolescit, & in cariẽ
verti cæpit, non solum vires infirmas, sed etiã
plane' a sui natura abalienatas habere cæpit,
vt pariter quodammodo & officere & pro-
desse possit. Illud autem, quod iam ad vltimã
peruenit senectutem, ut iam prorsus sit cario-
sum, nec suarum partium continuitatem ser-
uet, nihil commune cum Indico ligno habet.
Quamobrem iuuare quidem nequit, officere
autem potest. Hæc de Indici ligni bonitate.
Nunc vero uidere oportet quibus medicatio
per Indicũ lignum sit ex vsu, quibus autẽ nõ.

Ex natura & viribus eius, quibus proffit,
quibus vero non proffit, facile cuius patere
potest. Habet enim à natura, hoc est à deo opti-
mo maximo, quod morbo quem Gallicum
Itali vocant, aduersetur. Hoc enim per expe-
rientiam nemo fere' est medicus, qui non cre-

dat & affirmet. Cuius vero qualitatis ratione, nemo non ignorat. omnes enim faciunt morbo huic per qualitatem aduersari occultam, atque innominatam, Id quod nos etiam auctoritati vniuersitatis medicorum assentientes, confirmamus. In vniuersum igitur omnibus hoc genere morbi laborantibus ex usu esse debet, modo aliquid momentaneum non repugnet. Cum vero vires habeat calefaciendi & siccandi, item remolliendi, maturandi, & in halitum digerendi: liquido patet, quod omnibus per frigidam & humidam intemperaturam male habentibus usum praestet. Adhuc vero & illis qui alicubi in corpore humores frigidos, & eosdem crudos & concretos habent. Quamobrem praeter gallicum morbum, prodesse poterit malo habitui, *μαχαρίαν* uocant, neruorum resolutioni, conuulsioni, paresi, podagræ, arthritidi, coxædici, stupori, aliquando vero & mensium retentioni, & praefocationibus vterinis, adhuc autem & satietati, & *σαλισμῶ* idest superabundanti saliuæ, & intestinorum leuitati, In uniuersum vero frigidis omnibus morbis & humidis, siue cum materia, siue secus, conferre utilitatē potest. Hæc de usu medicationis per Indicum lignum. Iam vero de his differamus, qui ad hoc genus medicamenti probe sunt comparati.

F iiii

Nemo est qui per naturalem temperaturam, sexum, corporis habitum naturalem, & ætatē hoc genus medicationis ferre nequeat: modo uires suppetant, & medicum doctum, & natura prudentem sit sortitus. Quid enim prohibet quin puerum tenellum, aut delicatiorē fœmellam, aut senem decrepitum hoc genere medicamenti curare experiamur? An non possumus viuendi rationem, & medicamenti apparatus languentis temperaturæ naturali, sexui, corporis habitui naturali, & ætati, & uiribus accommodare? Iam uero de præparatione medicamenti agendum.

Indicum lignum infundi potest, potest & coqui, potest & in puluerem redactum deuo rari. Verum in quouis liquore, prout ratio postulat, infundi & coqui potest. in simplici aqua, in medicamentosa, in uino, in posca, in lactis sero, & in summa in liquore quouis, qui operi & scopo medici faueat atque opituletur. Liquor igitur eligendus erit pro indicatione propensionis naturæ, & singularum partium affectu, siue principalium, siue principalibus inferuentium. Vbi enim natura nihil moueat, nec viscus aliquod momentaneum aliquo præternaturali tumore sit affectū, ac præsertim lien, Indici ligni infusio & decoctum in aqua fiat simplici & pura. Vbi uero

natura superfluitates moueat aliquorsum, si oportuna sit regio, tu pariter eò vim medicinali idoneo ad id liquore ex quo infusum vel decoctum sis factururus, dirigito. Ad eundem modum si viscus aliquod inflammationē subierit, a vino abstineto: si tumorem durum, aquam declinato, tuncq̄ de posca deliberato, maxime vero si lien præduro tumore sit affectus. Quocirca si natura ad vesicam mouet, aqua Polytrici, vel Apii, vel Adianti uti potes: si ad aluū, Lactis serū fuerit opportunum, caprinumq̄ in primis. Neque alienū fuerit aliquādo aqua aliqua uti ex sponte nascentibus, calidisq̄, præsertim vero ubi gallico morbo societur lienis tumor. Liquores igitur eligendi qui naturæ inclinationi respōdeāt, et viscerum affectibus aduersentur. Quæ vero quantitatum proportione lignum cū liquoribus misceatur, nunc dicendum.

Sciendum tamen singulorum quantitatem nec sciri nec scribi posse, sed oportere ipsam ex naturali temperatura laborantis coniectari, item ex habitu naturali, & sexu, & ætate, præterea ex magnitudine morbi, & aeris ambientis qualitate, & regione, & anni tempore, & præsentī tempestate. Viris enim natura calidis & siccis, & ad proportionē sui temperamenti bene habitis, si per gallicum mor-

bum ad præternaturalem intemperaturam
frigidam & humidam sint versi, meracius me-
dicamentum dari debet, adhuc vero meracius
si magna sit intemperies, multo autem mera-
cius si ambiens aer, regio, anni tempus, & tem-
pestas, frigida sint humidaq̃. Meracius infu-
sum erit, si seruata eadem liquoris quantitate
in ea plus scobis ligni Indici macerabis. Dilu-
tius erit, si minus scobis immiseris. quod si ad-
huc minus immiseris, adhuc magis dilutum
erit. Liquorem igitur feruidum ea quantitate
quã volueris, in vas angusti oris scobi insper-
gito, os statim obturato, dehinc vas in calenti
furfure triticeo obruito, duos integros dies
macerato, dehinc percolato, & calidum pro-
pinato. Hoc parum efficax est, & pueris & de-
licatioribus scemellis dari potest. At decoctũ
efficacius, paratur autem in hunc modum. su-
mitur scobis ligni, & liquoris quem tibi elege-
ris, sua cuiuscq̃ quantitas, prout ipsam ex illis
indicantibus, de quibus supra potueris conie-
ctari. scobem in vas, vt dictum est, angusti oris
coniicito, feruidum liquorem inspergito, vas
obturato, in calidum furfur sepelito, diem &
noctem macerato, dehinc coquito, aliquando
ad quadrantem, aliquando ad trientem, non-
nunquam vero ad semissem, ad tertias vero
aliquando prout vel efficacius, vel minus ef-

ficax medicamentum habere cupis, spectando
semper ad ea de quibus supra. Hæc est ratio
parandi infusi, & decocti ligni Indici. Verum
ipsius substantia tūc dari potest, quando lan-
guens ipse liquida medicamenta auersatur, so-
lidiora non abhorret, sed appetit, atque expo-
scit. In cuius apparatu ad propensionem natu-
ræ spectare oportet, sicut de infuso & deco-
cto dicebamus. Nanq̄ si natura ad aluū mo-
uet, ei in tenuissimum & probe excussum pol-
linem redacto, quæ aluum leniant admiscere
oportet, scilicet vel pruna, vel passulas, vel
palmulas, vel casfiæ florem, vel mannam, vel
myxaria, vel quid tale. ea vero vel ex saccha-
re vel ex melle excepta ad eclegmatis substan-
tiam reduci possunt. Sin natura vrinas, vel su-
dores mouet; tu Indici ligni pollini, quæ vel
vrinas vel sudores moueant admisceto. Ca-
ralogum uero eorum quæ vrinas vel sudo-
res cient, superius adnotauimus, nec opus est
ut ea iterum repetamus. Dari autem debet ma-
ne & vespere ventri vacuo, saltem tribus ho-
rit ante cibum. Nunc de modo propinandi
infusum & decoctum.

Vtrunq̄ pariter datur ventri vacuo mane &
vespere modo nequid impediatur, calidū vtrun-
que, nisi pro tempore venter æstuet. dehinc
stragulis modicè operiatur. sudorem enim ex

impetu naturæ prouocari optamus, non ex
onere stragulorum. Dormiat, vt naturalis ca
lor exinde ad viscera reuocatus, atque inibi
vnitus, ac propterea roboratus, potionem cō
ficiat, & ad uenas, & ad corpus uniuersum di
gerat ac dispenset. Sudorem si mouerit, ipsum
ad ultimum detergito, eò enim plus sudabit
quò infrequentius detergetur. Potionis mo
dus is esto, qui nec ventrem admodum gra
uet, quiq; non in ipso fluctuet & emergat.
Vanum aut̄ est numerum unciarum potio
nis, vt pleriq; faciunt, explicare: cū non æqua
le pondus æqualiter ferant omnes, & aliqua
potionis quantitas in alio fluctuet, in alio in
dissolubiliter amplectatur. Potio vbi confe
cta fuerit, & uētriculum dereliquerit, quæ ni
mirum ventris alleuiatio, & ructus in edica
bunt: tunc offerendi cibi instabit tempus. Iam
igitur ad viuendi rationem descendamus.

Viētus autem non secus ac medicamentū
oblatum, ad calidū & ficcum spectet. Modū
præscribunt primum quæ languenti homini
naturalia sunt, temperatura naturalis, ætas, &
sexus, & habitus naturalis: quæ præternatu
ralia sunt, scilicet morbus, morbi causa, et quæ
morbum sequuntur symptomata. Hæc vero
quia præternaturalia sunt, sese per contraria
sum moueri indicant. Aeris vero qualitas, an

ni tempus, & præsens tempestas, & regio, & exercitia, & mores, quia nec naturalia sunt languenti neque præternaturam: si morbo aduersatur, talia qualia sunt, seruari oportet: si morbo consentiant, tantum remittere eorum qualitatem oportet, quantum singula à sua cuiusque mediocritate recesserint. Hæc vero ad exemplum prædictorum superius, si emendatione opus habent, corrigantur. Nunc autem de ratione victus in cibo & potu, quæ adeo medicationi per Indicium lignum inseruit, ut uix citra ipsam vel tantillum iuuare illa videatur. Hæc sicut & illa ad calefactionem, & siccationem spectet. Quod si languens per naturam, per sexum, per habitum corporis naturalem, & per ætatem calidus sit & siccus, tanto efficacius calefacere & siccare oportet, quanto horum ratione temperato calidior est, sicciorque. Adhuc vero & hoc ipso efficacius, si consueuerit eo victu uti. consuetudo enim altera quædam est natura, quæ per sibi similia conseruatur. Victus nihilominus in hoc medicationis genere esto tenuis, prout vires languentis ferunt. sed præterea aliquid dandum est ætati, tempori, & consuetudini. An vero plus cibi mane an vespere offerre oporteat ægrotanti, id morbi exacerbationes indicabunt. In exacerbationibus enim abstinere oportet.

Quamobrem si morbus mane increbuerit, vel cibi omnino nihil, vel pauxillum penitus offeri debet. sin uespere, illud idem obseruandum. Verum quoaduscq; hoc medēdi genus debeat prorogari, naturalis & temperies & habitus indicabunt. Nanq; si naturalis temperies à præternaturali sit derelicta, & habitus naturalis, qui sub improbo prius latebat, sit detectus, iam pulsus & respiratio ad sui cuiusq; naturam rediere, mens probè constat, cibos appetit, omne genus excrementi, prout in sua quisq; sanitate, excernit: Hæc ubi primum apparuerint per hoc genus medicamenti satisfactum esse confidito. Quòd si adhuc eò ventum non est, ne cessato, sed eodem medicamento instato, quoad propositum tibi finem assequaris. Omnia enim secundum rationem facienti si non eueniat secundum rationem, non est ad aliud transeundum, stante eo quod ab initio visum fuit. Hæc de medicatione per Indicum lignum satis sunt. Nūc vero gallicum morbum cum intemperatura frigida & sicca copulemus, vel, vt rectius loquar, copulemus improbam qualitatem sæuam & contagiosam, qua sine morbus quiuis non amplius Gallicus appellatur, hanc ipsam igitur qualitatem cum frigida & sicca intemperatura copulemus in hunc modum.

Statuamus igitur hominem excremento-
 sum frigida & humida intemperie laborasse,
 per medicum quātū satis esse videbatur fuis-
 se ab excrementis expurgatum, Interea vero
 deficientibus idoneis alimentis ita contabuis-
 se, vt non sanguis solum, & simularium par-
 tium nutrimentum, dissipata sint, sed & pin-
 guitudo simul, immo & carnis pars maxima.
 siccitatem autem nec dum solidas partes atti-
 gisse, nec deesse tamen prauam illam gallici
 morbi qualitatem. Hic imaginatione & reip-
 sa bini præternaturales sunt affectus. Vnus,
 intemperatura frigida & sicca, quæ corporis
 humiditati substantificæ nocet multum, pro-
 dest vero nihil. Alter, eadem ipsa frigida & sic-
 ca intemperatura copulata cum venenosa il-
 la gallici morbi qualitate. Prima vix quidē
 sanari potest, Secūda vero minimē, vt nos opi-
 namur. Prima sui instaurationem indicat, Se-
 cunda istud idem, ac præterea vsum alicuius
 Amulæti, quod venenosæ qualitati gallici
 morbi ex propria natura aduersetur, Ea græ-
 ci ἀποτρῴπαια appellant. Verum quoniam nul-
 lum adhuc amuletum huius mali nobis expe-
 rientia submonstrauit præter Indicū lignū
 & vsum Argenti viui, neutrum vero ipsorū
 caret suspitione: siquidem illud siccitatem
 auget, & imminuit corporis alimenta: hoc ve-

ro & exiccat quidem, & quicquid est excre-
menti, à partibus ignobilioribus ad nobi-
liores pellit, scilicet à cute & carnibus ad
os & fauces, & gulam, & ventriculum
& intestina. quò fit vt illa aliquando ita
inflammet, & excoriet, vt nec languens man-
dere cibum queat nec deglutire, ut nonnul-
los aliquando per inediam interire contige-
rit. Accidit vero etiam aliquando vt per ex-
coriationem ventriculi & intestinorum suc-
cesserit eorundem leuitas, Græci λειψτερίανου
cant: quæ, sanata excoriatione, insanabilis ef-
fecta per leuitatem cicatricis hominem ad a-
quam intercutem, & tandem ad miserã mor-
tem perduxit. Sed amabò quis in tãto affectu
siccitatis, in tanta virium infirmitate Indico li-
gno, vel Argento viuo vti auderet? Superest
igitur vt spreta nunc secunda intemperatura
prout secum adiunctam habet qualitatem il-
lam venenosam, Nos istam ipsam citra qua-
litatem venenosam curare experiamur. Cura-
ri quidem debet refectio, non quavis, sed eã
quæ paulatim fiat. (Quæ enim longo tempo-
re extenuantur corpora, lentè reficere oportet
&c.) Animi tranquillitate, cibo & potu oportu-
nis, scilicet qualitate, quantitate, usus ordi-
ne, & temporis occasione, adhæc dispensatio-
ne alimēti, Cibi igitur humidi sunt, calidiq̃.
sed

sed circa cibi caliditatem admodum multa diligencia vti oportet, ne scilicet per immodicum calorem siccitas augeatur. Quantitas autem noxæ modum calefaciendi subostendet. Hominis igitur taliter affecti curationem hisce principiis ordiamur. Quotidie purgatis alui excrementis, & ieiuno ventre hominem pinguius ex dulci oleo fricato, dehinc in solium aqua tepida plenum demittito, prout superius in curatione calidæ intemperaturæ dicebamus: in eo immorator vt sibi lubet. vbi exierit, linteis calidis detergitor. postremo iterum inungitor oleo calefaciente, modiceq; adstringente: ne cute per balneū rarefacta alimentum fusum ac dispensatum, in halitum digeratur. his peractis aliquantisper in lecto quiescito, dehinc cibum capito. cibus esto coctus facilis & nutriens, & minime glutinosus, minimeq; excrementosus. in hoc cibi genere, lac nuperrime multum primas habet, ac præfertim muliebri, utpote quod homini & simili est et familiare. post ipsum, asininū: cuius omnis bonitas ad tenuitatem suæ substantiæ referri debet: ea enim ratione minime coagulatur, & citissime in corpus permeat ac dispensatur. mel uero optimum ac despumatū ei admisceto: id quod & nutrit quidē, et calefacit,

G

ac neq̄ lac cogi sinit. Vbi lac sumpserit, quiescito, quoad tempus sit secundæ lauationis, id quod ferè erit post quatuor, aut quinque horas ab assumpto lacte. Verum an probè illud coxerit, ructus & ventris moles indicabunt. Nanque quoad ructus lac redoleant, & ventris moles non subsidet, secundæ lauationis adhuc tempus non est. Contra vero, vbi ructus nihil olent, & subsedit ventris moles, iã instat lauationis tempus. Quamobrem iterũ pinguius fricato ut prius, & reliqua ad eum modum, quem diximus, peragito. lac cum melle iterum exhibeto, & iterum quiescito ad cœnam usque; ne alimentum, quod nuperrime concretum fuit, dissipetur & pessum eat. æger autem si lauatione oblectatur, iterum & tertio ad præscriptum modum ante cœnam inungitor & lauator. Cibus vero, qui ad cœnam apparari debet, panis purus esto, modicè fermentatus, probè coctus, & qui salis non nihil habet, cui etiam si aliquid chix mastiches addideris, venter, cui primam ciborum coctionem acceptam ferimus, aliquam consolationem minime contemnendam consequetur. In obsonium oua gallinacea ad leuem concretionem diligenter cocta, sunt ex usu. item pulli gallinacei, & alæ, & testes. ego vero nec perdices,

nec phasianos reprobarim, quorum scilicet
 carnes friabiles sunt, quia non pridie, nec nu-
 dius tertius, sed tandiu à iugulatione fuerint
 maceratae. tales enim à ventriculo iam per ta-
 bem inanito ac semimortuo facilius & immu-
 rantur, & conficiuntur, sed & auiculæ monta-
 nae, quæ molles sunt carne, sunt ex usu, sunt
 enim omnium minimè excrementosæ. Decli-
 nare vero oportet à palustribus omnibus, &
 ab his quæ carnes duras habent, siquidem il-
 læ sunt excrementosæ: eæ uero, ubi languet
 naturalis calor, sicuti nunc languet quidem,
 nec satis immutari, nec coqui possunt. Ciborū
 quantitas esto, si fieri potest, quæ non grauet
 quidem, nec homini somnum statim inferat,
 ac torporem, Quòd si in homine exinanito ac
 ferè macie confectò, qualis is est, qui nobis
 est propositus, vitari nequit: quàm ocissime
 desinat, & grauis, & torpidus, & somno ca-
 ptus esse, Ordo vero ciborum offerendorum
 is esto, qui iam ferè à nobis obiter est declara-
 tus, scilicet ut liquida primum & coctu faci-
 liora, deinceps vero crassiora, & minus coctu
 facilia porrigantur, Verum occasio ciborum
 offerendorum inde expetatur, ut qui prius
 fuere assumpti, confecti iam sint, & ventricu-
 lum dereliquerint, quæ dignosci ex ructibus

27
& ex ventris mole dicebamus. Potio uinum
esto, vetus quidem: & eo antiquius, quod frigi-
ditas maior fuerit: nec tamē adeo sit antiquū,
vt iam amarorē in gustu ostēdat, amara enim
siccant nimis. Quantitas autem esto, quæ in
ventriculo nec fluctuet, nec innatet. Vbi ve-
ro per hanc viuendi rationem corporis habi-
tus & plenior & coloratior esse cæperit, iam
non nihil victus venit immutandus. pluribus
enim frictionibus iam vtī oportet, ciboq̄ ve-
sci & crasfiore & glutinosiore, hoc est magis
nutriente: vt pro lacte alica offeri possit, pro
volatilibus suillæ carnes, in alica elixatæ. Sed
propositum nostrum nō est, ut totam refecto-
riam viuendi rationem omnibus numeris ex-
pletam exponamus. Illud autem quod initio
fuit dictum, semper in memoria haberi o-
portet, quod hæc permutatio paulatim fiat: pari-
terq̄ nec illius obliuisci, scilicet dandum esse
aliquid ætati, tempori, & consuetudini. Hæc
igitur de hac refectoria viuendi ratione in
præsentiarum satis sunt. Verū vbi homi-
nē ea macie cōfectū refeceris, finito tādū quie-
scere ab omni medendi genere, quoad robore
virii cōparato, medicationis per Indicū lignū
rationē tuto inire possis. Tūcq̄ re probè gesta
methodoq̄ quam circa medicationem per In-

dicum lignum adnotauimus, inhærendo, certam fiduciam habere poteris integræ sanitatis acquirendæ.

Nunc demum ad corrigenda symptomata descēdamus. Tametsi nos multa recensuimus, cum de symptomatis agebatur: nihilominus quatuor sunt potissimum, quorum nos singillatim rationem habere est necessum. Primum grauitas scapularum. Secundum iugulorum & summorum humerorum dolor. Tertium faucium rubor & calor. Quartum pilorum casus, & visus hebetudo: quæ ideo vnâ coniunximus, quia ambo ab unica causa pendent, & eadem ferè curatione opus habent, differente tantummodo ex natura affectarum particularum. Grauitas igitur scapularum, quoniam à substantia vitiosorum humorum scapularum musculis incumbente est orta, vacuari pustulat, & quanuis multa sint vacuationis genera, commodissima tamen est ea quæ fit per tenues meatus cutis, cum sit magis vicina exitui, & minus periculo exposita. Vacuare vero per cutem possunt quæcunque rarefaciunt, subiecta attenuât, detergunt, & euocant. de his autem dictum est abunde, cum de curatione pustularum, quæ per totum corpus sparguntur, agebatur, ad

G iii

quæ recurrendum, ne eadem nos iterum frustra repetamus. At qui iugulorum dolor expetit & hoc medicamenti genus. Verum quoniam eius materia altius est infixæ, scilicet & in membranam, qua ossa integuntur, & in tendones musculorum, qui ad summum humerum peruenere: tanto tenuior & leuior esse debet, quanto meatus membranarum & tendonum meatibus carniû sunt angustiores. Sicut igitur minorem gravitatem parit in particula cui insidet: ita dolorem per acredinem, quam in sese habet, sæuiorem. Cum præterea sit alia causa doloris sæuioris & obstinatio- ris, scilicet suæ particulæ densitas multo utriusque maior carniû densitate: & propterea & mitiore medicamentorum materia, magisq; rarefaciente opus habet. Pinguibus igitur admiscenda erunt, quæ tenuem caliditatem in sese habent: neque incommodum fuerit aliquid tantillum admiscere, quod modice sensum obscuret, hebetetq;. Vsi sumus verbis, tantillum, & modice; ne ex copiosiore usu obstupescerent, tendones & membranæ plus iusto densentur, & contumatiores fiant. Sumito igitur medullæ vitulinæ & adipis anserini pares portiones, opopanacis & sulphuris vtriusq; prædictorum sextam partem,

opii, croci, singulorum sulphuris solius duo
 decimam partem, ceræ pars quarta medullæ
 esto & adipis. cera cum medulla & pinguedi
 ne liquefeat. quibus liquefactis cætera tenui
 ter puluerizata adiiciantur, & statim ubi cum
 spathula miscueris, ab igne amoueantur.
 Quòd si magis digerere volueris, augeto sul
 phuris quantitatem: sin magis rarefacere &
 remollire, addito ad quantitatem pinguedi
 nis & medullæ, & opopanacis, vel pro me
 dulla uitulina utitor ceruina, & pro opopa
 nace sagapeno. Hoc medicamento calente
 particulas dolentes illinito. uerum prius lin
 teo tepido particulas illas leniter perfricato,
 ab illitione lana ex æsypo pingui & calente
 obuoluito. Possunt consimilia medicamenta,
 dempto opio, scapularum grauitati opitula
 ri. Quòd si uehementioribus euocantibus uti
 volueris, poteris pro pinguedine & medulla,
 uti oleis scilicet chamemelino, vel anethino:
 uehementius uero fuerit irinum & lauri
 num, & oleum uetus, & cedrinum. poteris
 etiam admiscere adipem leonis uel pardi,
 vel hyenæ, quibus admisceri possunt & radix
 bryoniae, & aristolochia, & radix asphode
 li, nitrum, arsenicum ustum, melantheria, &
 eiusmodi: Immo & euphorbium, si uehemen

G iiii

72
tissime volueris eudicare. Hæc vero de grauitate scapularum & doloribus iugulorum, & cæterarum solidiorum partium satis sunt. Nunc vero de faucium rubore, & calore.

Faucium rubor & calor statim ubi appareant, nisi supprimantur, inflammationem accersent, inflammatio autem si semel accesserit, nisi citissime amoueat, vlcus exedens parit, tanta est huius morbi malignitas. Faucium igitur rubor & calor ubi statim apparent, quæ refrigerant, quæq; adstringunt, adhibenda, & humores, ne influant cohibendi. Cohibentur illis ipsis quæ refrigerant, & adstringunt: præterea & reuulsionibus ad inferna. Refrigerant & adstringunt leuiter quidem posca, & lac chalybeatum: uehementius, acuti lapathii decoctum & succus: adhuc uehementius, rubi decoctum, & canini rubi; item mali punicæ & balaustiarum decocta. his vero addi possunt & succus vuæ acerbæ, & rhois succus, & hipocystidos, & acaciæ. Atqui deorsum trahunt acuti clysteres, frictiones partium inferiorum, vincula supra cubitos ad mota, præterea & cucurbitulæ præcordiis affixæ, scapulisq;. Si subsederint rubor & calor, inflammationis cessat omnis timor: Sin non subsederint quidem, & iam inflammatio ac-

cēsserit, & iam vlcus exedens pepererit, tametsi de eiusmodi vlcibus iam antea satis abunde suo loco dixerimus, nunc obiter & hoc vnum adiiciamus, quod vix eiusmodi vlcera citra suffumigationem sanari queunt. Cætera enim medicamenta ab salua abluuntur, nec suæ facultatis vix imprimere quicquam possunt. Quamobrem nunc etiam ex vsu erit aliquid de suffumigiis addidisse. & primum quidem dicemus quibus suffumigia conueniant, quibus vero minime.

Suffumigia sunt ex vsu his, quibus in faucibus vlcus malignum hæret, & quibus in gargareone, quibus etiam in palato, præterea & his qui difficulter & non nisi recta ceruice spirant, insuper & his qui in thorace multos frigidos succos habent. Iis uero ex vsu non est, qui sanguinem tussi reiectauere, neque non iis, qui morbo sicco circa thoracem male habent.

Suffumigium vero in hunc modum parare oportet. Sedeat languens, totus linteis operiatur, crura ab inuicem diducat, caput ita deorsum inclinet, vt facies genibus sit vicina, ore hiet, & ponatur suffumigium inter crura, & fumū ore hiāte excipiat. Atqui melius fuerit si per infundibulū excipiat. Iā vero qui

bus ad suffitum vti possumus, explicandū.

In suffitu omnia ad siccitatem spectent. Hæc vero sunt quibus suffiri licet. Castoriū, Aristolochia, Bitumen, Sandarache, Ladanū, Terebinthina, Chalaminthe, Styrax, Mastiche, Thus, Cucumeris agrestis radix, Centārium, Fœniculi semen. Fortiora sunt Stribium & Myfi, & Cinnabari. In compositis illud est experientia comprobatum, in humidis affectibus & pectoris & capitis, leue tamen est, ac commodatum delicatioribus, & humidioribus naturis. Constat id ex Styrace, Terebinthina, Sandaracha, & Mastiche æquis portionibus. quod si siccantius facere uolueris, addito Cinnabaris plus, minus vè pro mali magnitudine, & temperatura naturali totius corporis & affectæ partis. Hæc de suffumigiis. Nunc uero de casu capillorum & barbæ.

Dicebamus supra ex splendore & nitore cutis, & oculorum, & ex priuatione pruritus & mordacitatis, astrui posse, minime materiã alienam subesse cuti & tunicis oculorū, (materiæ enim alienæ cutem, & oculorum tunicas fœdant, non illustrant), immo potius per quandam simplicem & alienam caliditatem rarefieri cutim & tunicas, In cute digeri, ac dissipari pilorum alimentum, In oculis spiritus

uifui inferuientes. Ex his autem duæ indica-
 tiones elici possunt, Vna ex caliditate illa non
 insigni cutis & tunicarum oculorum, Altera
 ab earundem immodica raritate: Illa refrige-
 rationem, hæc adstrictionem indicat. Refrige-
 rat ambiens aer, si talis esse contigerit. sin non
 sit talis, apparetur eo pacto, quo aliàs supe-
 rius dictum fuit. Item corporis & animi tran-
 quillitas & quies, & longus & altus somnus.
 Sicut contra, exercitationes, & ira, & vigiliæ
 in externis calorem augent. Quamobrem ine-
 diam exercitationes, iram, & quicquid cale-
 facere corpus potest, auersator. Venereis ab-
 stineto. Purgationes, sanguinis detractiones,
 omnes deniq; euacuationes, præter eas quæ
 naturæ sunt consuetæ, vt maxime hostiles de-
 clinato. Sunt ex vsu lauationes, primum
 quidem ex tepida, dehinc uero ex frigida, ad
 hunc enim modum frigida uis altius penetra-
 bit, & suam facultatem imprimet. quæ si alu-
 minosa & ferrea sit, quales ex sponte nascen-
 tibus multæ sunt in Italia, cutem præterea &
 tunicas oculorum densabit, cogetq;. & vtraq;
 ratione ambo hæc symptomata, retinendis
 pilorum alimentis, & visuiis spiritibus, re-
 parabit, corrigetq;. neque efficacius reme-
 dium reperiri posse crediderim. Sed & ocu-

37
li & facies sæpissime lauētur ex pōsca ad-
modum diluta . constet ea ex aqua rosacea,
& rosaceo aceto. esto vero sub solis calore
tepefacta. Illinantur item oculi ex ouorum
albis diūtissime in plumbeo mortario bene
mundo agitatis . Lacte insuper muliebri iam
nonnihil acefcente .


F I N I S.

Errata suis locis restituenda,

Prior numerus folium, a priorem paginam,
b posteriorem, posterior numerus lineam in-
dicat.

2. a. 7. lege Itali. 10. fuerint. 27. conscripsit. 4. a.
b. attaratq̄. 12. excremētōsum. 5. a. 16. sensibi-
liter. b. 9. accersit. b. a. 18. refriktiones. 6. 28. ex-
trinsecis. 7. a. 15. illustrantur. 10. a. 25. oh rem.
b. 15. errūpentes. & sic vtrique. 14. a. 18. abscef-
sus. 16. b. 25. crassam. 27. exest. 17. b. 4. potest?
lege sine interrogatione. 18. a. 10. refrigerari
b. 17. hyænæ. 24. a. 28. vuæ. b. 1. papaueris
27. a. 10. sensisse. 28. a. 15. calefactione. 31. a. 9
præseruatione. b. 22. vero. 38. b. 27. κυκλάμι-
νον 41. a. 2. uel. 42. b. 12. humiditatum.

Faint, illegible text, likely bleed-through from the reverse side of the page.



AND

SALI

109

V

EPI

year

109

T

R

L

S

A

C

S

V

D

KEYD

U